

92
504

J

27

DISSERTATIO
THEOLOGICA,
DE
Divinitate, Sacrae Scripturae.
PARS SECUNDA.
QUAM

OPITULANTE DIVINA GRATIA
SUB PRÆSIDIO

Celeberrimi ac Eruditissimi VIRI

D. CAMPEGII VITRINGA,

S. S. Theol. Doct. ejusdemque Facultatis
juxta ac Sanct. Hist. Eccles. Prof.
pereximii, Philologi summi,

Publicæ disquisitioni subjiçiet

MARTINUS BANFFI A. HUNYADI

Transyl. Hungarus.

AUCTOR & RESPONDENS.

A. D. MDCXCVI. loco horisqne solitis.



FRANÆQUERÆ,

Apud JOHANNEM GYZELAAR, Illustr. Friæ Ordd.
atque Eorundem Academiae Typograph. Ordin. MDCXCVI.



SPECTABILI ac GENEROSO
DOMINO
LADISLAO BETHLEN. De eadem.

Avitis, iisque Heroicis virtutibus non minùs, quàm veræ nobilitatis dotibus
eximiis præclaro Juveni Viro, ad meliorum spem, Patriæ, Ecclesiæ Re-
formatæ juxta ac Collegiorum Reformatorum, politiori literaturâ probè im-
buto, Fautori suo plurimum colendo.

UT ET
SPECTABILI ac GENEROSO
DOMINO
MARTINO SARPATAKI. De eadem.

Magni nominis Parentis Magnæ spei Filio, ad emolumentum Patriæ indies
affurgenti, animi generosi dotibus illustri Juveni, Fautori suo impensè amando.

NEC NON
CELEBERRIMO ac DOCTISSIMO VIRO
D. SAMUELI SZATHMAR NEMETHI

S. S. Theol. in inclyto Coll. Reformat. Claudiopolitano Professore solidissi-
mo, haud ita pridem Præceptori fructuosissimo, Fautoriq; suo maximo-
perè suspiciendo.

ITEM
CELEBERRIMIS ac DOCTISSIMIS VIRIS
D. GEORGIO BATAI,
D. MICHAELI T. CSEPREGI

Ecclesiæ Reformatæ, quæ in inclyta urbe Claudiacâ Christo colligitur,
Sacrorum mysteriorum Dispensatoribus fidelissimis ac fructuosissimis: illi
Domino ac Benevolo suo singularitèr honorando: huic nuper in inclyto Coll.
Reformat. Claudiopolitano S. S. Theol. & Philos. Professore facundissimo ac
fructuosissimo, Præceptori ibidem, ac Fautori suo debitâ officiornm suorum
observantiâ enixè colendo.

SIMUL
CLARISSIMO ac DOCTISSIMO JUVENI VIRO
D. MICHAELI SZATHMAR NEMETHI

S. S. Lingv. ac Sanioris Philos. in Coll. Reform. Claudiopolitano Professore
eximio, Fratri suo amantissimo.

*In debita gratitudinis tesseram, eâ quâ par est animi
eum submissione, hocce exercitium tenne
Academicum consecrat*

MARTINUS BANFFI A. HUNYADI

Transylvan. Ungarus

AUCTOR & RESPONDENS.

Victrix tamen stat causa Dei, suos
 Qui pascit almô gratuitæ cibô
 Legis, medelam vitæ habentis,
 Indere pabula spiritusque.
 Sint insolentes esto furoribus,
 Illi Antichristi (cedò) satellites
 Divas in hujus tot loquelas,
 Impia dogmata præferentes.
 Divinitas verbi alta tamen manet,
 Quam tu tueris strenuè & unice
 Urges, *Ministrum* teque eodem
 Stigmate crediderim notandum.
 Perge ergò sacrum hoc dogma solennitèr
 Exculte jam jam Vir Juvenis, tuam
 Frontem ut perennet laus, tuere,
 De super accipiasque fructus.
 Facturus isthæc, præmia ceu Dei
 Servum fidelem, credito, sedulo
 (At gratuito) præstolari
 Te jubeo haud peritura in ævum.
 Includat ori plura precor Deus
 Vitæ perennis Tri-Unicus,
 Addatque florenti thesauros
 Ingenio. Hæc pia vota fundo.

*In honorem Præstantissimi Dni Auctoris,
 Amici sui, hæc pauca adjecit*

MARTINUS VISKI

S. S. Theol. & Philos. Stud.

AD

dit blad heeft in ser 726

A D E U N D E M

A Doctis benè lata fuit sententia quondam,
Respondent rebus nomina sæpè suis.

Prælusit divina manus tibi Frater honeste,

Hunyadidum dùm te nomina ferre finit.

Est Hunyad testatus, & id satis explicat Hophal,

Consule si cordi est: Sanctum idioma docet.

Attestor *Martine* tibi, quòd ritè voceris

Hunyadi, nam veri dogmate testis ades.

Divinum, ratione, locis, comptò ordine *sensum*

Sacræ Scripturæ construis atque doces.

Ast veri *Defensor* habet diadema perenne,

Dùm benè pro summo strinxerit arma Deo.

Tuque tuum diadema polò post funera tandem

Percipies, sequitur nunc tua terga decus.

*In honorem Doctissimi Dni Auctoris, Amici
 integerrimi, animò liberaliori quàm
 calamò, hæc pauca adjecit*

GEORGIUS SZOKOLYAI:

Theol. & Philos. Stud. Hungarus.



DISSERTATIO
THEOLOGICA,

^D^E
Divinitate, Sacrae Scripturae.

PARS SECUNDA.

THESES XXXIV.

Postquam in prima parte nostrae Dissertationis, pro ratione acuminis nostri ingenii luculentissime monstravimus ac probatum dedimus, quæ possint esse, & revera quæ sint, veræ notæ, veri characteres, veræ *res* *mentis*, Verbi Divini, ex quibus creatura rationalis, homo scilicet, certus esse potest ac probè convinci de divinitate Verbi alicujus; ut nunc absque mora transeamus ad *tertiam* & *quartam* partem nostri thematis, quod proposuimus §. VII. tempus & instituti nostri ratio id flagitat atque exigit; atque adeo ut operorè quantum per angustiam nostri ingenii licebit probemus, illa *res* *mentis*, illos characteres, illas notas (quocunque nomine tandem appelles) divinitatis, quas in prima parte Dissertationis recentuimus, nulli verbo, nulli doctrinæ, nulli scripto ut ut sapientissimo posse apprimè vel convenire, vel in ullo verbo contineri, maximè verò

A

si non

si non seorsim, sed simul ac in complexo considerentur, præterquam soli Sacra Scriptura, & in Verbo illo Divino quod in Sacro thesauro Scripturarum continetur, proindeque illam unice esse divinam, & eam solam extra omnem dubitationis aleam pro tali agnoscendam, æstimandam, celebrandam ac habendam esse: denique & id ordo nobis præfixus §. VII. exigit, ut in hac parte secunda hujus nostræ Dissertationis paucis adstruamus Divinitatem librorum Moïsis, atque simul refellamus objectiones quasdam ad elevandam fidem librorum istorum atque divinitatem ab adversariis, malè certè in veritatem animatis, adductas. Hisce verò omnibus paucis desingemur.

§. XXXV. Itaque quod attinet primam notam quam dedimus in p. p. Dissert. dicimus. *Primo.* Quod Scriptura Sacra talem doctrinam nobis pandit, quæ nulli præter Deum primigeneam ac unicam veritatem, ens perfectissimum, mentem perfectissimam, quæ est omnicia, omnipotens, sibi soli sufficiens, nullius rei indiga suis bonis latis superque dives &c. adscribi tanquam auctori ac causæ potest; uti hoc cuilibet fugitivis saltem oculis Sacram Scripturam percurrentibus clarum ac manifestum est. Considerari velim in hanc rem inter alia *passum* illud atque *Testamentum æternum* inter Patrem & Filium, quò Pater Filio veluti Testamentò quoddam disposuit regnum: Christo Domino id docente, Luc. 22: 29. *Pater meus disposuit mihi regnum:* quòque constitutus est Filius *heres omnium* h. e. tum Judæorum tum gentium Heb. 1: 2. *Ὁ υἱὸς ἀντιπροστάτης πάντων.* Quem constituit seu posuit *heredem omnium.* Unde etiam hoc respectu, Psal. 2: 8. *gentes dicuntur heredes Christi,* & Christus jubetur eas *pertere* tanquam *propriam* ac *privam hereditatem*, quæ jure ipsum spectat, & ad illum tanquam Filium unigenitum pertinet; constitutus simul quoque est *caput* & *lucæ* *redemptor* ac *affensor* illius hereditatis, & illorum omnium, qui per-

pertinebant ad regnum sibi a Patre testamentariâ dispositione
 dispositum; at verò Filius se stuit ad faciendum voluntatem
 Patris sui, atque ad procurandum causam eorum, quos ipse
 dedit Pater. Ex quo pacto Patris cum Filio ac Testamendi
 veluti necessarium eius consequens fluxit hoc etiam, quod
 Filius cum esset *ἐν μορφῇ Θεοῦ ἐν formâ Dei, εαυτὸν ἐκένωσεν*
seipsum extinavit, μορφῇ δούλου λαβὼν formam servi assu-
mens, & submittens se se legi usque ad mortem, & quidem
mortem maledictam crucis, ut ita eos qui ipsi a Patre dati
sunt liberaret a maledictione, hocque pacto eos assereret in po-
testatem suam, atque liberos pronuntiaret ab omni alienigenâ
potestate cuius culpâ obnoxii ac intricati erant. Hæc & simi-
lia talia sunt tamquæ angusta ac magnifica, ut nullus eorum
auctor atque causa primaria esse possit, præter Deum sum-
um, eumque sapientissimum ac potentissimum, quippe de
quibus iure meritoque prædicari potest illud divi Pauli, quod
ἐὰν ὁφθαλμοῖς οὐκ εἶδε, ἢ ἤσναι οὐκ ἤκουσεν, ἢ ἦν ἐν καρδίᾳ αὐτοῦ ὡς
ἐν ἀνέβη οculus non vidit, & auris non audivit, & in cor
hominis non ascenderunt 1 Cor. 2: 9. Quandoquidem etiam
 postquam revelatum est, & ubi revelatum est, nihilominus ta-
 men manet *μυστήριον*, eodem divino viro teste 1 Tim. 3: 16. Sed
 ut ut illud verum sit quod Scriptura talia dogmata pandat, quæ
 propter excellentiam suam nulli præter Deum adscribere fas
 sit, attamen Scriptura Sacra ex abundanti quasi, non cessat
 innumeris penè locis testari, se tota quantalesse, esse *θεοῦ πνεύματος*
divinitus inspiratam: uti in hanc rem pereximia sunt loca,
 tum divi Pauli, 2 Tim. 3: 16. hunc in modum inquisientis.
πάντα γὰρ ᾧ (intelligit Scripturam tum Veteris, tum Novi
 Testamenti) *θεοῦ πνεύματος* tota scriptura divinitus inspirata est;
 tum sancti Petri, 2 Pet. 1: 21. *ὅτι ἡ προφητεία οὐκ ἐστὶν ἐκ ἀνθρώπων*
πνεύματος ἁγίου ἡτορημένη, ἀλλ' ὡς πνεύματα ἁγία φερόμενοι ἐλάλησαν
οἱ ἄνθρωποι θεοῦ ἁνθρώποι. Unde Paulus non erubescit tale perhi-
bere testimonium de illis, qui sermonem ab ipso auditum ex-

ceperunt, illos non sermonem hominum, sed Dei excepisse
 1 Theff. 2: 13. Verum ut cætera quæ huc facerent sponte
 omittam, hoc unum hîc notari velim, quod erit (ut lo-
 let dici) instar omnium: quod Prophetæ ferè ad unum
 omnes quotquot fuerunt in V. T. suis Prophetiis insignem
 illam rubricam, atque argumentum illud perillustre Divinita-
 tis, suæ Prophetiæ præmiserunt יהוה דבר יחזקאל *Verbum*
Jehova fuit ad me. item ויאמר יהוה אלי *Dixit Jehova ad*
me: uti illud videre est, Jer. 2: 1. El. 8: 1. & aliis in locis.
 Quò haud dubiò insinuare ac indicare voluerunt, quod ea,
 quæ ipsi in sequentibus loquerentur non nisi Deò, & qui-
 dem qui est Jehova, dictante loqui, & se adhuc assumptos
 esse ut fierent fidi ministri, indices ac præcones voluntatis
 divinæ, atque adeò ipsorum verba, dicta, non esse acci-
 pienda ad eum modum, quò nuda hominis verba accipiun-
 tur; sed ut verba Dei non solum, simul etiam ut *Jehova*,
qui est, & *qui est id quod est*, *qui ve futurus est id quod est*:
 denique quod se in hac illustri ac magnificâ operâ nihil
 propriâ industriâ, propriis viribus præstare posse, nihilve ex
 sui cerebri figmentis proferre, atque eorum quæ dicunt, & lo-
 quuntur, ipsos non esse causam, verum se esse tantum amanuen-
 ses atque instrumenta quædam in manu Dei, quibus Deus
 utatur ad erudiendum homines alios de voluntate suâ, deque
 via salutis, ac modò quò homo & quidem miser peccator,
 ad communionem jucundam ac beatam Dei pervenire possit,
 ac ipsò æternum ad satietatem frui.

§. XXXVI. Porro & illud manifestum ac indubita-
 tum est, quod doctrina illa, quam Scriptura Sacra suò
 sinu amplectitur, prout tota quanta est, a Deo ente perfe-
 ctissimo ac summo est; pariter tota quanta est, apta nata est
 ad illustrandum ac deprædicandum Dei gloriam, majesta-
 tem, dignitatem, atque adeò virtutes ac perfectiones divi-
 nas, quæ simul atque in complexo sumptæ conciliant Deo
 illud

-qbc

s A

illud gloriæ pondus, (si fas ita loqui) quò cunctis rebus supereminet, easque immensò valore excellit, simulque docet & quasi ad ravim usque ingeminat, quod cuncta, quæ amplissimus ac universus terræ orbis diviti suo sinu complectitur, non solum causam efficientem ac principem habeant Deum: verum etiam illa ita ad Deum æstimandum, celebrandum, laudandum facta ac formata esse, ut omnia prompta ac parata sint ipsius summè reverendam gloriam, laudes, virtutes, perfectiones enarrare ac celebrare. Sive enim spectentur ac considerentur opera ejus anima rationali, vel ut cum Poëta loquar, *Cælesti illa scintilla*, destituta; ut sunt *Cælum, Sol, Luna, Stella, Terra, Maria, &c.* certè de iis luculentissimè testatur Sacra Scriptura, quod ea facta atque facta sint ad illustrandum gloriam Dei. Psal. 19. ubi inquit divinus vates *הַשָּׁמַיִם מְסַפְּרִים כְּבוֹד־אֱלֹהִים* *Cæli enarrant gloriam Dei*. Quanquàm enim hîc per Cælum possit etiam aliud quid intelligi, nempe Cælum Ecclesiæ N. T. ac Veteris, nihilominus tamen illud prius eò ipsò negatur: item Psal. 148. in quo toto, in eo est Propheta, ut cuncta Dei opera tam naturæ quàm gratiæ, tam rationalia quàm irrationalia excitet, ad Deum celebrandum. &c. Sive opera anima rationali ac cogitante prædita; ut sunt *Angeli, Homines*, de hisce etiam penè passim traditur, quod ea formata ac facta sint ad Deum tanquàm unicam suam causam non tantum, sed & ut summum ac perfectissimum bonum, agnoscendum, amandum, æstimandum, celebrandum, laudandum, dictis ac factis glorificandum, illumque unicè ceu exemplar nobilissimum omni virium contentione imitandum, nihilque magis deceat Angelos ac homines, quàm solius Dei celebratio ac glorificatio; quippè ejus communione ac fruitione possunt reddi beati ac felices: Unde de *Angelis* dicitur non solum quod *fili* ipsius, ac *spiritus ministratorii* sint, verum etiam quod ipsum laudent, Psal. 148: 2. *Laudate eum omnes Angeli ejus:*

De hominibus quoque paria testatur, quando docet, quod omnis qui inter homines vult gloriari, in eo gloriatur, si intelligat & cognoscat Deum, Jer. 9: 24. coll. I Cor. 1: 31. Nec non quando docet, quod homines, si boni viri audiri volunt, debeant Deum glorificare tam corpore quam Spiritu, idque non solum certò aliquò tempore, & quibusdam tantum actionibus, sed omnibus tam edendo quam bibendo: I Cor. 10: 31. Et ut verba omnia complectar, siue considerentur opera natura; ut sunt creatio, conservatio & gubernatio; siue opera gratiæ: ut sunt, hominis electio, vocatio, redemptio, sanctificatio, iustificatio, glorificatio, & quæ huc pertinent, de his inquam omnibus talia docet illa doctrina, quam scriptura sacra nobis offert, quæ apta nata sunt ad Deum glorificandum, virtutes ac perfectiones deprædicandum; quæ quia omni scripturam attentâ ac castâ mente legenti ubique sunt obvia, prolixius heic loci illius demonstrationi non immorabimur; hæc saltem loca addemus. El. 40: 26. & seq. Plal. 145: 10. 11. Eph. 1: 5. 6. & seq. in quibus duobus prioribus scripturæ locis, uti manifestè exponitur ac docetur, quod omnia, quæ oculi nostri videre possunt, creata sint a Deo, illumque habeant pro unica vera ac primigeniâ causa; ita pariter luculentissimè docetur & illud, quod omnia opera debeant celebrare, laudare Jehovam ejusque gloriam prædicare: in ultimo verò illo loco tota salutis, redemptionisque nostræ ratio exponitur, & quidem ita, ut non solum exponatur nos prædestinatos adoptatos, redemptos, ad sortem adscitos esse; verum etiam simul finis indicetur, cur nos tantorum bonorum participes facere Deus voluerit, ut scilicet simus laudi gloriæ ipsius siue ad laudem gloriosæ suæ gratiæ; agnoscendo nempe eam, ac æstimando, honorando, celebrando, laudando. &c.

S. XXXVII. Dein. Passim Scriptura Sacra tam eximiam, tamque perfectam ac integram omnibus suis partibus doctrinam

nam proponit, quæ tùm Divinæ essentia ac natura, tùm perfectionibus atque virtutibus divinis omnibus numeris appositè convenit, atque adeò quæ verum ac unicum Deum verè notificat ac manifestat; quod usque adeò verum est, ut nullus de eo, qui vel saltem in augustissimo ac cœlesti hoc palatio, (sacra nempe Scriptura) prima vestigia legerit ac primos gressus fecerit, ambigere possit. Itaque paucis lustremus tùm ea, quæ de *essentia ac natura divina*, tùm ea, quæ de *perfectionibus divinis* pandit Scriptura. Cùm ergò Scriptura asserit Deum esse πνεῦμα Spiritum, Joh. 4: 24. coll. 2 Cor. 3: 13. & Christo docente certum sit πνεῦμα Spiritum carnem & ossa non habere, adeòque nihil corporei, verbò nullam extensionem in longum, latum & profundum extensam: manifestè inde patet, quod, quando Scriptura Deum πνεῦμα vocat, eò nihil aliud significetur ac notetur, quàm hoc, quod Deus sit *mens* & quidem *perfectissima*, atque adeò *substantia* perfectissimè *intelligens*; unde dicitur quod חכמתו *intelligentia* eius non sit numerus. Psal. 147: 5. Quod quid aliud est quàm hoc, quod non sit imperfecta intelligentia atque imperfectus intellectus ejus; nam id quod numerabile est, finitum est, & quod finitum est, imperfectum; imperfectum verò de Deo prædicari non potest: *perfectissimè volens* h. e. cujus jussui ac nutui omnia morem gerere coguntur, unde etiam Scriptura Sacra hoc elogium de illa prædicat, quod *omnia voluntate ipsius sint, & creata sunt*, Apoc. 4: 11. & quod nullus voluntati ipsius resistere possit, Rom. 9: 19. atque adeò cujus essentia ac natura in perfectissima consistat cogitatione. Quò respectu etiam Sacra Scriptura pluribus in locis Deo tribuit *cogitationes*, inter alia (ut ne multa recenseam) videri potest locus in hanc rem pereximius, Esa. 55: 8, 9. *Cogitationes*, inquit Deus, *meæ non sicut cogitationes vestra, & cogitationes meæ supra vel præ cogitationibus vestris*. Quibus verbis Deus innuit se esse mentem atque

sub.

substantiam talem, cujus essentia ac natura consistat in cogitatione, & quidem tali cogitatione, quæ infinitis gradibus perfectione suâ superet cogitationes hominum, neque iisdem cancellis ac limitibus circumscribatur quibus hominis cogitatio, atque adeo quæ sit perfectissima, nullique ignorantie obnoxia. Denique si perfectiones divinæ considerentur; ut sunt *Omniscientia, Omnipotentia, Independentia, Simplicitas* &c. de iis quoque tam sobria tamque huic perfectionibus appositæ convenientia tradit doctrina in Sacra Scriptura contenta, ut nihil illis æquiora excogitari queant. *Omniscientia* est illa perfectio Verentis perfectissimi, mentis perfectissimæ, quâ omnia scibilia ac possibilia vi suæ potentie exactissimè novit, eorumque tam certam habet scientiam, ut nihil extra illum aut esse, aut concipi posse queat, cujus non certissimam ac adæquatam omnimodè habeat scientiam, atque adeo quod non videat in unica ac perfectissimâ ideâ: cum enim Deus *summa* sit adeoque omnimodè *infinita mens*, mens verò absque conscientia sui, esse & agere, nec esse nec concipi possit, necessario Deus sui suarumque actionum ac perfectionum suarum summam atque infinitam, suæque potentie illimitatam prorsù habet scientiam, hinc etiam Scriptura Sacra testatur quod *nota sint Deo à π' αἰών & πᾶν τὸ ἐργαζόμενον αὐτῷ ἀπ' αἰῶνος* sive a seculo omnia opera ejus, Act. 15: 18. & quod nihil sit coram ipso ἀφανὲς *obscurum*, vel rectius *non manifestum*, sed omnia γυμνά *nuda* & περὶ χηλίσματα *in cervicem resupinata* aut *intime patentia*. Heb. 4: 13. quique solus audit scrutator renum ac cordium h. e. qui solus habet certam ac adæquatam scientiam eorum, quæ in mentibus nostris geruntur, Jer. 11. 20. coll. Apoc. 2: 23. *Omnipotentiam*, h. e. illam summam atque infinitam voluntatis divinæ perfectionem, quâ Deus, se ipsum adæquatè cognoscens, ut ens infinitum, perfectissimum, verissimum; per consequens summum atque infinitum bonum, perfectissimo atque ineffabili sibi-

sibi que quàm convenientissimò modò in se ipsum, ut talem, qualem se esse & esse debere percipiebat, fertur, & in se ut tali perfectissimè deliciatur, quæque simul omnia extra se, quæ decentè ac convenientè suis perfectionibus fieri in quocunque ordine possunt ad gloriam ipsius testandam, facere & potest & facit: hanc inquam omnipotentiam Scriptura Deo pluribus in locis vendicat, inter alia (ut ne omnia referam) insignia sunt loca divi Pauli, ad Eph. 3: 20. & ad Rom. 4: 17. in parte ultima, ubi *eius potentia* ab insigni ac singulari caractere *describitur*, a *vocatione* nempe, quâ vocat τὸ μὴ ὄντα ὡς ὄντα *ea quæ non sunt tanquàm si essent*: cui consonum est illud quod Propheta dicit, Psal. 33: 9. *Quia ipse dicit & erit, ipse precipit, mandat & existet*. Paritèr *independentiam*, quando nimirum Deo adscribit *talem perfectionem*, quâ possit omnia liberrimè ex consilio non solum voluntatis suæ agere, verum etiam secundum placitum suum, Psal. 115: 3. item Eph. 1: 11. Certè qui dependet ab alio non agit omnia *ex consilio* suo, secundum placitum suum, sed *ex consilio* ejus ac præscripto a quo dependet, *non secundum placitum* ac *lubitum* suum, sed secundum *placitum* ac *lubitum* illius a quo dependet, ut ita in omnibus suis dictis ac factis possit illi complacere; quæ cum summam in Deo arguerent imperfectionem, de illo nullò pacto prædicari possunt, & per consequens Deus est summè independens non tantum, sed & omnia a nutu ac voluntate ipsius dependent. Ex quibus (ut alias virtutes ac perfectiones Dei hîc omittamus) patet, Scripturam Sacram talem nobis doctrinam pandere, quæ tum essentia, tum perfectionibus ejus maximè sit consentanea ac concinna.

§. XXXVIII. *Præterea*, Illud ratum ac firmum est, quòd nimirum Sacra Scriptura ejusmodi doctrinam nobis propinet, quæ de magnificis manuum Dei potentissimarum operibus, puta de *omnium rerum primigeniâ origine*, ea-

B

rum-

rumve naturâ, usibus, fine, ordine, nexu ac venustâ inter
 le se harmoniâ, ea docet, quæ tali Deo, talique causæ sum-
 mæ perfectæ, a quali res illæ se, totæ quantæ sunt, suum esse
 ac suas perfectiones accepisse, plenò atque unò ore clamant,
 sunt digna ac apprime convenientia; ita ut de eo nullus am-
 bigere possit, nisi is, cui non est sanum sinciput, vel qui
 nunquam paululùm operæ impendere dignatus est scrutinio
 ac examini illius doctrinæ; verùm eam tanquàm otiosus ali-
 quis atque homo nullius frugi, homo nauci contempsit ac
 posthabuit. Utique si ea penitus ac accuratius consideren-
 tur, quæ de origine universi huius, penè in omnibus suis
 partibus, tradit Scriptura, ea reperientur Deò primâ omnium
 rerum origine digna; quippè quæ universo huic adscribit
 certum aliquod initium, atque exordium, quò omnes res
 esse cœperunt, & ante quod non nisi merùm nihil fuerunt;
 proindeque non esse æternas, non esse necessariò existentes,
 sed novitias, principiò ac exordiò gaudentes; illud verò ini-
 tium ac principium quò esse cœperunt unicè & in totum Deo
 acceptum ferre debent. Quid enim eò convenientius Deo enti
 summæ perfectio, causæ omnium rerum? quid operibus il-
 lius magis congruum quàm si omnium origo, essentia, sub-
 stantia a cuncta moderante Deò repetatur? Adiri possunt
 loca huc spectantia. Gen. 1: 1. Et. 4: 4. ubi dicit Deus se
 principium & finem esse, hoc est, se esse a quo, ex quo, per
 quem, & ad quem sint omnia, Psal. 33: 6. Verbo Jehovæ
 Cœli facti sunt (id hinc observandum: quamvis plurimi ex Do-
 ctis per verbum intelligant τὸν λόγον ἑαυτοῦ sermonem illum qui
 ἐν ἀρχῇ ἦν in principio erat, & per quem πάντα ἐγένετο omnia
 facta sunt, Joh. 1: 1. & 2. nihilominus tamen non erimus ab-
 surdi, si per verbum intelligamus potentem illam iussionem &
 vocationem Dei, quæ vocat τὸ πρῶτον ὄντα ὡς ὄντα, Rom. 4: 17.)
 Usus vero ac finem rerum quod attinet, ita eos vivis colo-
 ribus depingit Scriptura Sacra, taliaque de iis testatur, quæ
 sunt

sunt sana ac æquua; siquidem pluries quàm sexcenties inculcat, oportere nos & debere omnibus *ui temperanter*, ad finem rebus illis dignum, gloriam nempe Dei, unde frequentissimè audimus illud inculcari. *Omnia facite ad gloriam Dei. Cœli enarrent gloriam Dei. Glorificate Deum omnia opera manuum eius; & similia talia: & omnia sunt ad ipsam facta* h. e. ad gloriam atque adeò perfectionem ipsius deprecandam, Rom. 11: 36. Præterea non solum essentiam ac naturam rerum a Deo esse testatur, verum simul quoque docet eas ita ab ipso sustentari atque conservari potenti que manu teneri, ut nihil sit quod sine ejus sapientissimâ gubernatione ac conservatione subsistere vel ad momentum queat, unde *omnia dicuntur verbo potenti portare*, Heb. 1: 3. Ex hisce omnibus clarum est, quàm sana, quàmque apprimè convenientia Deo doceat Scriptura Sacra de omnibus ejus *monstris facturis*, ut nihil sit in iis absonum, nihilque summis ipsius perfectionibus contrarium, sed omnia ita sint disposita, ut enarrent ejus gloriam.

§. XXXIX. *Insuper*. Nec illud latet eos, qui paulò diligentius ac attentius augustum illud sapientiæ cœlestis palatium, Scripturam nempe, perlustrarunt, quod Scriptura sacramentalem nobis porrigat doctrinam, quæ nullâ sui parte, cum notionibus simplicibus atque communibus, cum axiomatis atque primis veritatibus naturâ notis, cum dictaminibus conscientiæ ac rationis, pugnet iisque contrarietur; quin potius cum illis ceu primis quibusdam principiis ac normâ omnis veri ac falsi, recti ac pravi, justi ac iniqui, boni ac mali amicabilem ac suavem summo operè colat concordiam, adeò ut inter ea, quæ summus ac sapientissimus omnium rerum opifex nos scire voluit ope luminis conscientiæ ac rationis, simulque inter ea, quæ idem ipse opifex scire voluit per cœleste illud lumen, Scripturam nempe sacram, nulla sit inimica atque hostilis pugna; sed in omnibus divina

penitus consensio atque admiranda conspiratio: hinc audimus & videmus Scripturam sacram crebram facere mentionem *conscientia* ac *legum* illi insculptarum non tantum: uti videre est, Rom. 2: 15, 16. verum etiam docere, omnem *demonstrationem veritatis* h. e. Evangelii atque adeo veritatis quæ in Christo est, *debere* fieri ac institui ad *conscientiam* & quidem *omnium* hominum, 2 Cor. 4: 2. (quem locum quia in prima parte nostræ Dissertationis prolixius expressimus, eò relegamus lectores) item Spiritum Dei auctorem ac dictatorem unicum sapientissimum Scripturæ sacræ, sive illius doctrinæ quam Scriptura nobis offert, unâ cum *spiritibus nostris testari nos esse filios Dei*, Rom. 8: 16. id verò quâ fieri posset, si ea, quæ Scriptura sacra tradit de Deo, de amore ejus, de modo ipsum amandi, atque de remuneratione illius amoris, adversâ fronte contrariarentur iis, quæ de eodem Deo tanquàm summô bono, amore & omni quæsitio digno, innatæ ac simplices ideæ, notiones, docent, ego saltem videre non possum? Utique Spiritus Sancti operationes non destrunt ac everunt nostræ mentis naturam, verum eam sartam ac rectam relinquunt; atque adeo fiunt convenienter naturæ nostri *intellectus*, nostræque *voluntatis*, quæ duæ facultates absolunt mentem, (uti alibi visum est) nisi enim id fieret nequaquam posset mens nostra ea capere, quæ a Spiritu Sancto ipsi proponuntur, si autem capere non posset, non posset idem testari ac docere, quod docet atque testatur Spiritus Sanctus; debet ergo fieri inter hos duos testes amicus ac iunctundus consensus, ut idem & testari & docere possint. Et rem hanc ita debere se habere tam certum tamque manifestum est, ut nemò eam in dubium vocare deque ea ambigere possit, si modò ad justam rationis trutinam revocaverit saltem id unum, scilicet quoties, & quàm frequentissimè Scriptura sacra, sive potius Deus & Spiritus Sanctus, in ea loquentes invitent nos ad *auditionem* verbi Dei, ejusque *debita*

bitâ cum reverentiâ *receptionem*, quoties inculcent Sancti Dei viri, Prophetæ & Apostoli; *omnia probate, quod bonum est retinete. Vobis ut intelligentibus loquor, ipsi judicate*; at verò quomodò possemus illud verbum audire si non haberemus mentem? & mentem habentes quomodò illud recipere si adversâ fronte pugnet cum dictaminibus mentis ac conscientiæ? atque adeò cum innatis ac simplicibus notionibus ac ideis? multò magis quomodò illud judicaremus esse tale bonum quod nos perficiat, cum non consentiat cum natura mentis nostræ? id fieri posse si dixeris protinùs prodes tuam ignorantiam de mente, ejus naturâ ac facultatibus, *intellectu ac voluntate*. Hinc patet quàm vesani ac stolidi, nec non injurii sint illi homines, tùm in Deum, tùm in cœlestem illam doctrinam, quam Scriptura suò ambitu complectitur, tùm in Spiritum Sanctum, tùm in conscientiam tam suam quàm aliorum, qui præfractè audent asserere Scripturam posse contraria docere iis, quæ conscientia probè excussa nos docet; quia eò ipsò statuunt Deum, qui semper sibi similis est, posse sibi contrariari ac adversari, adeò ut quod unò locò de se verè & congruentè suæ essentiae suisque perfectionibus testatus est, alterò locò illi totò cœlò contrarium testetur. Id equidem & nos ipsi fatemur, quod Scriptura tam magnifica tamque sublimia dogmata nobis possit revelare, & de facto revelet, quæ in *mentem hominis non venerunt*, (ut cum Paulo loquamur) & quæ *oculus non vidit, nec auris audivit* ante id tempus, quò illa revelari cœperunt; nihilominus tamen & id fatemur, quod ea etsi talia sint, eò ipsò non contrariantur dictaminibus conscientiæ: non enim omne id, quod superat acumen atque activitatem conscientiæ nostræ, contrariatur ipsius naturæ, sed tantùm id, quod evertit ac destruit ipsius naturam.

S. XL. *Ceterum* Id quoque extrâ omnem dubitationis aleam positum est, quòd doctrina illa, quæ in Scriptura

Sacra reperitur, talia doceat de hominum *origine, natura, statu, fine ac desiderio*, quæ tùm Deum singulari modò decet, tùm verò ab omnium nostrum conscientia approbantur. Quantùm ad *originem* hominis, eam graphicè depingit nobis Scriptura Sacra, cùm hominem recentè ex manu Dei prodeuntem ac egressum, quò *melius cœlestem* originem referret ac dignum Deo opus existeret, nec non *mundi melioris origo*, dicit, ad *imaginem ac similitudinem* Dei fuisse creatum, atque adeò *rectum*, quæ rectitudo præcipua ejus gloria est, quâ reliquis creaturis ac *minuor facturis* manuum Dei longè supereminet, utpotè quæ illa cœlesti gloriâ ac divinò splendore non sunt beata. Insignia in hanc rem sunt loca, Gen. 1: 26. 27. ubi Sacrosancta Trinitas, tanquam unica causa hujus admirandi ac gloriosi operis, ita se compellat. *Faciamus hominem ad imaginem nostram secundum similitudinem nostram*, hoc est, quasi dixisset Deus, ecce cuncta, quæ decreveramus ac definiiveramus facere ac creare, jam fecimus & creavimus, verùm adhuc unum superest faciendum, sine quò omnia frustrà facta sunt, id verò tale debet fieri quod gerat imaginem ac similitudinem nostram; agedum itaque faciamus illum, hominem nempe, qui habeat *imaginem nostram* h. e. qui habeat mentem sicut nos sumus mens, adeoque sit progenies nostra (ut verbis Lucæ utamur) nec non *similitudinem nostram* h. e. *facultatem rectè intelligendi, cognoscendi, atque volendi, amandi*. Item Eccl. 7: 29. ubi dicitur quod Deus fecerit hominem *rectum*, hoc est, aptum ad illum finem quem in homine creandò intendebat: ut scilicet Deum, seu causam primariam suæ existentie, & exemplar genuinum suæ perfectionis, atque adeò summum suum bonum, quò quoad omnes sui partes perfici poterat, rectè & cognosceret & ritè amaret, in qua recta cognitione ac recto amore Dei consistebat hominis rectitudo. Vide & Paulum de hac re differentem, ad Eph.

4: 24.

4: 24. *Naturam* verò hominis quod attinet, eam quoque vivis coloribus depingit, deque ea talia tradit quæ omnibus numeris Deo conveniunt. Audiamus ergò quid ea de re dicat, Gen. 2: 7. inquit Moyses: *Finxit, formavit, Deus hominem ex pulvere terre*, loquitur de corpore ejus, & *sufflavit* sive *inflavit in nares ipsius halitus vite*, & *factus est homo animal vivens*, h. e. halitus ille per nares emissus fuit infallibile signum animam, sive *mentem* hospitari in corpore, atque adeò vivere hominem, qui halitus dum cessat, argumentum est animam non amplius esse præsentem. Huc facit locus Pauli, 1 Cor. 6: 20. in quo jubet *Deum glorificare corpore & Spiritu*, unde manifestò liquet hominem duabus constare partibus corpore & mente, atque adeò naturam humanam hisce duabus, totà licet essentiâ, proprietatibus, attributis, a se invicem distinctis, partibus absolvi, adeò ut tùm homo possit dici homo, quandò & quamdiù hæ partes in ipso reperiuntur. *Statum* quoque hominis silentiò non præterit Scriptura, verùm de eo tale documentum perillustre præbet, quod is fuerit status *rectitudinis* sive *integritatis*; (uti mox vidimus ex loco Eccl. 7: 29.) nam vox *W* utramque potest pati significationem, tùm *rectitudinis*, tùm *integritatis*; siquidem id demùm rectum est quod simul etiam integrum est. Sed nec *finem* hominis negligit scriptura, verùm illum quoque eximie describit, quandò eum ad *imaginem* ac *similitudinem* Dei creatum dicit, unde proculdubio haud obscure colligere homo sive creatura rationalis poterat, se eò fine præ reliquis creaturis illâ excellentiâ ac gloriâ mactatum esse, ut & cum aliis quidem creaturis enarret gloriam Dei, sed & amplius & altius ascendat, scilicet in omnibus studeat similis esse Deo exemplari suo, ejusque virtutes, perfectiones, cogitationibus, dictis, factis exprimat, atque adeò ita quarat beatam ac æternam cum Deo summò suò bonò communionem juxta ac interminabilem lætitiâ. Ex jam dictis

dictis luculentissime patet, (quæ & prolixius demonstrari ac deduci possent, nisi brevitatis studiò impediremur) quàm sincera, quàmque Deo digna doceat Scriptura Sacra, de hominis tum origine, tum naturâ, tum statu &c. adeò ut nihil illis vel sanius vel æquius excogitari à quoquam mortalium ac fingi possit.

§. XLI. Denique. Si quid divinum est, est & illud absque omni dubiò, quòd, doctrina in Scriptura Sacra tanquàm archivò aliquo divinò (si fas sit ita loqui) deposita, de officiis hominis, Deo, proximo, rebus aliis quibuscunque debitis, docet, & ad quæ exercenda obligatum esse ac teneri hominem, vi illius relationis quam habet ad Deum, ad homines alios, ad res alias quascunque, usque ad ravim ac nauseam quasi inculcat ac ingeminat. Certè rem sic se habere illicò advertemus, si paululùm id attentius ac proprius consideraverimus, scilicet ubi Scriptura Sacra docet Deum esse cognoscibilem, ibidem seriò jubet ac mandat, ut homo ipsum cognoscat, atque in ipsius cognitione verâ & non alterius gloriatur, Jer. 9: 23. atque adeò in cognitione Patris ceu solius veri Dei, & Jesu Christi quem misit Pater, quærat vitam æternam ac summam felicitatem, Joh. 17: 3. Denique cùm proponit Deum ut bonum, & quidem summum ac unicum bonum, quod non tantùm qualicunque, sed omnimodò ac perfectè hominem quoad omnes sui partes perficere potest, subinde præcipit ipsum amandum esse, ex toto corde, ex tota anima, omnibus viribus ac facultatibus, Matth. 22: 37. Et sanè nihil est convenientius naturæ hominis, quam id, quod ipsam quoad omnes sui partes perficere potens est, amare omnibus facultatibus, omnibus viribus, aliaque non nisi in sehesi ad illud bonum, in quantum nempe possunt esse media ducentia ad illud bonum obtinendum cumque eo jucundè fruendum: porro cùm Deum ut summum atque adeò absolutum Dominum ac legislatorem, qui servare & perdere, æternum mi-

miseros vel beatos facere potest, nobis proponit, tùm nos
 invitat atque seriò hortatur, ad debitum atque humile oble-
 quium tali Domino præstandum, atque adeò ad tremendam
 ipsius majestatem ac auctoritatem exosculandam, adeò ut
 nos in omnibus actionibus, dictis, factis, obstricti simus
 demonstrare illum esse summum & absolutum Dominum,
 nos esse subditos ac servos ipsius absolutos, hoc est, tales qui
 omnibus temporibus, locis, momentis atque vitæ diebus,
 omni statu subsumus legi ipsius, nihilque agamus ex libitu
 ac nutu nostrò, atque adeò secundùm voluntatem nostram
 tanquam primariam normam; sed in totum nos dependeamus
 a voluntate & nutu ipsius, in omnibus nostris cogitationibus,
 dictis & factis, explorantes nempe quid sit voluntas Domini
 nostri, & quid faciendum vel non faciendum sit, ad placi-
 tum voluntatis ipsius, ut sic inveniamur *boni ac beati servi*,
quos Dominus invenit in opere suo, quocunque temporis ar-
 ticulò veniat ad nos, atque adeò prompti ac parati ad *flecten-*
da ipsi genua, & ad ipsius auctoritatem ac majestatem con-
 fitendam, juxta illud Pauli dictum, Rom. 14: 11. *Vivo ego,*
inquit Dominus, quod mihi flectit omne genu &c. & Es. 45:
 23. *Præterea* quandò Deum gloriosum, hoc est, cunctis rebus
 infinitis penitus numeris præstantissimum, pretiosissimum
 coram oculis nostris graphicè depingit, confestim nos pro-
 vocat ac invitat ad ipsum glorificandum, celebrandum, æsti-
 mandum, laudandum, jubetque ut *gloriam ipsius, quam ipse*
alteri non dat, quamque nullò unquam pactò patitur sibi
 eripi, nos quoque ipsi deferamus, ipsi non eripiamus, ad-
 scribendo eam *idolis mutis, Diis nihili atque stercoreis*; ve-
 rùm tam *Spiritu h. e. mente* sicque *intellectu & voluntate*,
 quàm *corpore h. e. omnibus membris nostris* ipsum glori-
 ficemus, 1 Cor. 6: 20. Dùm ut unicam, perfectam at-
 que consummatam salutis causam, in cujus nomine oportet
 me salvari, & extrà cujus nomen non est aliud nomen sub
 C cælo

calo hominibus datum, in quo ferventur, extemplò jubet, ut nos in ipso quæramus salutem, ad ipsum confugiamus tanquam firmam ac immobilem rupem salutis, in cujus fissuris contra omnes hostium impetus ac rabidos furores, contra quævis minitantis cœli murmura, salvi ac incolumes manere possumus; ad illum *respiciamus ut salvemur*, Es. 45: 22. econtrà verò non solum *vetat nos fiduciam habere in ingenuis atque in filio hominis*, verumetiam maledictionem intonat illis, qui vel in *brachio suo*, vel in alio quocunque homine salutem suam quærunt. Hæc, & his similia, infinita penè numerò pia ac sancta officia, circa Deum nobis inculcant sacræ utriusque Testamenti literæ; quæ, quia omni legenti & seriò meditati illas literas sunt obvia, plura hîc non recensebimus. Æquè sancta ac pia sunt illa quoque officia, quæ Scriptura Sacra circa alios sive proximos nostros exercere jubet, quandò nimirum illos æquè a Deo creatos esse ac nos, ejusdem Dei imaginis ac similitudinis consortes, ad eundem finem, ad idem bonum amandum, ad eandem felicitatem, factos atque creatos, eandem habere naturam, iisdem subesse legibus, eidem Domino, docet pluribus; similiter docet eos *amandos esse* & quidem non tantum qualicunque modo, *sed ut nos ipsos*, Matti 22: 39. coll. Gal. 5: 14. *Ἀγαπήσεις τὸ πλησίον ὡς σεαυτὸν Diliges proximum tuum ut te ipsum.* Quod præceptum, vel officium proximo debitum, tam latè patet, & tam amplissimâ gaudet significatione, ut complectatur omnia illa in quibus quocunque modò proximum levare ac juvare possum, sive in corporalibus, sive in spiritualibus, ex adverso verò cuncta ea vetet in quibus, & quocunque tandem modò ipsi nocere possum, vel eripiendo ipsi vitam, vel bona corporalia, quibus ceu mediis vitam suam corporalem sustentat; vel spiritualia, ipsi subministrando talia dogmata, quibus receptis privatur vitâ ac gaudiò spirituali. Rebus insuper aliis quibuscunque, quæ extra nos sunt, docet

cet utendum esse ad gloriam Dei, proximi ædificationem, & salutem nostram, atque adedò cunctis ita uti, ut sint ea media apta ad communionem Dei ducentia, atque adedò ad finem illum cui nos Deus, tanquàm progeniem suam, destinatos esse voluit, scilicèt ad cœlestem beatitudinem. Ex quibus jam liquidò patet, quàm Divina, quàmque Sancta ac Sacra dogmata pandat Scriptura de officiis nostris, Deo, hominibus aliis, atque rebus quibuscunque debitis, adedò ut nihil in illis sit, quod vel Deus summus rerum arbiter, vel homo ejusve conscientia, non approbent, atque facta tectaue non relinquunt.

§. XLII. *Porro.* Nihil familiarius Sacræ Scripturæ est eò, quòd homo quidem recens ex divinâ ipsam formantis ac fingentis manu egressus, haud potuit creari sint imagine ac similitudine sui factoris ac formatoris (uti suprâ vidimus) verùm ipsum non multò post creationis tempore a suâ ista origine primigeniâ turpiter descivisse, plurima ratiocinia sibi *quarendo* (quod tempus, sextum illum diem quòd creatus est fuisse, dicere, ut quidam volunt, simplicitati historiæ utique contrarium esse putamus) suamque primævam pulchritudinem subito amisisse: qui itaque, cùm mundi *melioris origo*, gloria ac decus existere debuisset, ejus summa ac præcipua calamitas ac lues exstitit, Deique creaturas milerè descēdavit, omni ve honore ac splendore spoliavit, atque adedò sibi totique posteritati, humano nempe generi ex illo oriundo, ingentem corruptionem accersivit, cum quâ hodie adhuc dum milerimè conflictatur universa ejus posteritas; adedò ut ab isto temporis momento *omne figmentum cordis hominis tantummodò malum sit*, penitusque *inidoneum* ex se ad *cogitandum quicquam bonum*, & *quicquid ex carne nascitur caro sit*, simulque docet luculentissimè illius tam celebratæ corruptionis causas, *παράβασις* transgressionem nempe divinorum præceptorum, *ὑποακούσις* inobedientiam sive con-

temptum summi sui Domini ac unici legislatoris. Sed quoniam res hæc luce meridianâ clarius proponitur in Scriptura Sacra, non est necesse ut multis eam argumentis ex ea sola depromptis demonstrare satagamus. Sufficit hîc allegasse locum Pauli ad Rom. 5: 12---19. in quo planissimè ac plenissimè originem, causam, tempus, processum, hujus ingentis corruptionis ac mali exponit ac graphicè describit Apostolus Paulus: item notissimum illum Mosis Gen. 3. ubi prima ejus initia, incrementum ac progressum luculentissimè pandit Moses, adeò ut de eo nullus ambigere possit. Et licet modum, quò illa nunquàm satis lamentis ac lachrymis eluenda corruptio in seram posteritatem primi hominis propagatur, non usque adeò clarè ac manifestè exponat Scriptura Sacra; nihilominus tamen idcirco neganda non est illa veritas quam jam eam docere monstravimus; siquidem imprudentiæ signum est, dubitare de aliqua veritate constante ac manifestâ, quia in illâ aliquam obscuritatem observamus; & proculdubio satis firmo superstruemus fundamentò nostram fidem, si id credamus ita se habere eam ob rationem, quia Scriptura testatur passim hoc ita esse, cui etiam suffragantem experimur experientiam quotidianam.

§. XLIII. *Uterius*: Et id utramque paginam facit Scripturæ Sacræ, quòd homo ad eum modum (quem statim descripsimus) corruptus atque orbatus cœlesti illò fulgore effigieque cuncta moderantis (ut cum Poëta loquar) Dei, subit æternæ damnationi atque adeò reatui, inevitabilique judicio supremi Legislatoris ac justî judicis Dei, cujus leges ac præscripta nefandò ausu neglexit atque transgressus est, qui neglectus & quæ transgressio legum summi Domini ac absoluti Legislatoris, qui servare & perdere potest, secum tulit ingentem illam catastrophem ac reatum hominis; scilicet, ut qui antea poterat nominari *rectus* mox propter reatum dicatur *indignus damnatione*,
 יְשׁוּעָה / אֵלֶּיךָ עֲשֵׂה נִסִּים וּמוֹתֵיךָ
 וְיָדְעוּ כָּל בְּנֵי יִשְׂרָאֵל כִּי יְהוָה אֱלֹהֵינוּ יְהוָה אֶחָד

ὁ δὲ ἄνθρωπος ὁ Θεὸς obnoxius Deo, ἄδικος injustus, μιαιφός & *N*U inquinatus ac impurus, ὁ δὲ κατακείμενος ὡς condemnationi subjectus ὡς ἀμαρτάνῃ sub peccato, ἐχθρὸς δὲ Θεῷ inimicus Dei. Διχαίωμα δὲ Θεῷ est flagitatio iustitiæ Dei, quod qui mala faciunt ἀξιοὶ ἵνα ἴσθαι ἐκείνῃ digni sunt morte, Rom. 1: 32. qui- que antea poterat dici ברוך benedictus, mox propter reatum ac damnabilitatem מלך maledictus dicatur simul cum terra, cuius proventum eum dolore debebat comedere omnibus diebus vitæ suæ; qui dicebatur imaginem ac similitudinem Dei portare, nunc dicatur filius iræ γέννημα ἐκιδῶν progenies viperarum: qui נפש חיה anima vivens nunc mortuus in peccatis. מלך miser, aramnosus. Unde etiam post id tempus homo a Deo nihil nisi ingens pondus æternæ miseriæ, excandescentiæ ac iræ divinæ tristitia monumenta, atque adeo poenarum innumera simulacra expectare potest; siquidem æquum ac justum est, ut qui leges summi Domini ac absoluti legislatoris, æternum bonum eas diligentè observantibus promittentes violat ac nefandò autè transgreditur atque contemnit, is experiatur propriò malò ipsòque actū, & quidem in æternum, quid sit contemnere ac transgredi summi Domini ac absoluti legislatoris legem; quid sit rebellare contra Deum ac turpiter deficere ab auctore atque fonte omnis boni, omnisque felicitatis, lætitiæ ac jucunditatis. Et sanè aliter fieri nequit, quàm ut eum, qui se a luce avertit, confestim ingentes nebularum ac tenebrarum procellæ obruant ac opprimant; quàm ut is, qui nolit cuique volupe non est insigniri nomine filiorum lucis atque adeo Dei, vocetur filius tenebrarum atque Diaboli; qui repudiat Spiritum filiationis ac consolationis, ut is accipiat Spiritum formidinis ac timoris; & cui cordi non est in cognitione viarum Dei deliciarum, ut eum sinat Deus incedere in viis suis.

§. XLIV. Præterea. Lata sunt atque salutifera miserrimo reatuque obnoxio peccatori ea quoque, quæ Sacra-

Scriptura de gratiâ divinâ misero ac damnabili peccatori faciendâ passim tradit, quod Deus pro sua summa perfectione ac *divinâ potentiâ* atque *facultate*, quâ pollet, non solum potens sit facere gratiâ misero ac indigno peccatori citra ullum ipsius meritum, verum etiam quod *velit actu esse Deus, Deus peccatoris, modumque* simul atque adeo *viam* uberrimè delineat, quomodo velit fieri Deus peccatoris, & quâ viâ rursus ipsum ad sui communionem beatam ac æternam non tantum admittere, sed simul etiam actu Spiritus sui in ipsis efficaciter operantis gratiâ adducere, ac proinde primævam illam amicitiam, ruptumque turpiter per peccatum *fœdus pacis* denuò reintegrare ac restituere. In hisce verò ita defungitur Scriptura Sacra, ut id unicè sibi tanquam privum ac proprium sumat, hacque in parte (ut & in aliis plurimis) omnium Sapientum mundanorum industriam ac sagacitatem vincat. Licet enim mundus ab omni ævo plurima sece-rit, quæ pereximium Sapientiæ titulum præ se ferrent, nihilominus tamen omni studio non est inventum atque erutum, licet eruerentur abstrusissima, quâ ratione placaretur Deus ac rediret in mutuum amorem hominis peccatoris, aut spes vitæ æternæ obtineretur. Posthabitis ergo omnibus humani cerebri figmentis ac circa hæc variis inventis, Scriptura Sacra ceu celebre quoddam archivum hujus magni mysterii adeunda atque consulenda est; ea enim graphicè ac copiosissimè depingit ac explanat illustria *Dei*, circa salutem hominis miseri ac peccatoris laborantis opera, *consilia* ac *moli-mina*; *Mediatorem*, omniaque ipsius decora ac ingenus humanum merita, beneficia; *fidem* ceu instrumentum ac medium nobilissimum, quò amplectimur ac recipimus mediatorem iique nos unimus, & ita ipsi uniti simul unimur cum Deo: *Spiritum Sanctum*, fidei istius unicam ac veram causam, atque ita viam ad salutem æternam: undè frequentissimè audimus Scripturam loquentem, modò de *consilio Dei*
gra-

gratioso, modò de *fœdere* ac *Testamentò gratia* idque æternò, hoc est, de illo Dei proposito sive immutabili voluntate, quâ Deus constituit dare hæreditatem atque bona sua certis quibusdam hæredibus, sub certis conditionibus ea adeuntibus, & quidem in *Christo* tanquàm Mediatore illius fœderis: unde crebra in hac materia mentio *Christi*, *Semini ipsi dati*, *hæreditatis ipsius*, *filiorum ipsius*; *Mediatoris*, *Fœderis* ac *Testamenti gratia*, qui est medius inter duas partes dissidentes ad eas reconciliandas, per interpositionem vitæ ac sanguinis sui innocentissimi effusionem; quem variis nominibus insignit Scriptura, vocat *ἱκετὴν* sive *asseratorem*, qui scilicet vi consanguineitatis habet jus asserendi bona suorum fratrum propter eorum paupertatem ac miseri-
 am in potestatem alterius devoluta ac deventa, mox *μεσίτην* *mediatorem*, *Angelum faciei*, *Interpretem* unum ex *millibus*, *advocatum*. huic tractatui subinde adjungit Scriptura tractatum alium nobilissimum de *sponsione fœderis gratia*, hoc est, de pacto illo quod intercessit Patrem inter & Filium, in quo *Pater* Filium dat ac constituit *κεφαλὴν* & caput populi præcogniti, Filius vicissim se se sistit ad *σωτῆριον* populi illius peragendam; præterea in quo *Pater* stipulatur a Filio *assumptionem naturæ humanæ* ex semine mulieris, ac *inductionem formæ servi*, atque in ea obedientiam usque ad *mortem* & quidem *crucis*, simulque ipsi repromittit semen spirituale, hæreditatem, regnum; Filius verò se se sistit ad faciendam Patris voluntatem, atque alterinsecus restipulatur salutem sui ipsius & populi sibi e mundo dati; non tacet de ejus promulgatione ac notificatione, quæ primò primùm facta est in illa prima promissione, Gen. 3:15. tum Noacho, tum Abrahamo, Gen. 12. neque de ejus subjectis, quæ nominat ac vocat semen benedictum, filios promissionis, Rom. 9:8, 9. neque de medio, quò isti filii promissionis ac fœderis conjungunt se cum Patre & Filio, quod est *fides* in
 oibus
 Chri-

Christum & per Christum in Patrem, Rom. 4: 17. & Cap. 5: 1, 2. neque de eventu ejus, qui est *pax heredum* cum Deo, salus ac æterna beatitudo animarum; verbò itaque locupletissimè exponit modum ac viam, quò-modò & quâ viâ sit *Deus, Deus peccatoris*. Omnia autem quæ de hac re passim dicit, ad certa hæc capita possunt revocari, ad *Auctorem* pacis, justitiæ ac reconciliationis cum Deo, qui est semen mulieris atque semen Abrahæ; ad *Modum* sive medium restaurandæ pacis, justificationis ac reconciliationis, quod est fides producta in cordibus fidelium per Spiritum Sanctum, ad *Hæredes* justitiæ, qui sunt omnes gentes, tam Judæi quàm Græci absque ullo discrimine, quarum Abrahamus declaratur pater, Gen. 17: 5. coll. Rom. 4: 17, 18. At verò cuncta hæc ita pertractat Scriptura Sacra, ut nihil in illis reperiri queat, quod non sit decorum vel Deo vel homini, & quod non habeat adstipulantem in omnibus conscientiam, quodque ab homine seriò ac diligentèr ad id attendente luculentissimè ac clarissimè possit intelligi, adeò ut omnis laus tandem ex isto magnificò ac augustò opere ad Deum redeat, qui futurus est *admirabilis ac gloriosus* in iis omnibus, qui salutem sunt hæreditaturi, atque adeò qui sunt genuini filii ac sinceræ partes regni ipsius.

§. XLV. *Denique.* Id quoque luculentèr Scripturam docere experiuntur omnes, qui eam legunt, meditantur, scrutantur noctes atque dies puris ac castis manibus versant, in *timore Domini*, quòd Deus magnificum ac in totum divinum illud opus (de quo mox mentionem fecimus) assumptionem nempe miserrimi nihilque tale quid merentis peccatoris ad fœdus, amicitiam, communionem sui beatam ac æternam, ita operetur, ut tamen eò ipsò non abneget suas *perfectiones, virtutes*; putà, *sanctitatem, justitiam, veracitatem &c.* verùm eas illæsas, fartas atque rectas servet; quò respectu proculdubiò id fieri, & quidem unò eodemque aucto-

auctore Spiritu Sancto illi rei invigilante, ac providâ suâ curâ
 procurante in Scriptura existimandum est, quod ubique, ubi
gratiam ac misericordiam Dei, quâ indignum ac in massa per-
 ditionis hærentem atque volutantem peccatorem benignè
 complectitur, ab insignibus suis proprietatibus atque docu-
 mentis pereximiis luculentissimè describit, eamque innumeris
 argumentorum copiis iisque validissimis suadet homini mise-
 ro, (utpotè in qua *sola supersit ipsi spes vitæ melioris ac beata*;
 siquidem ea sit *gratia salutaris*, erudiens nos ut *iustè ac piè viva-*
mus, Tit. 2: 11, 12. *gratia servans*, *gratia gloriosa*, non tan-
 tùm quia celebrari & æstimari meretur, sed & quia nos glorifi-
 care potens est) nec non ipsi offert ex mera gratia, atque itidem
 vires ad eam accipiendam gratiosè suppeditat; simul ibidem
 suæ *sanctitatis*, *justitiæ*, hoc est, tùm amorem sui suarum-
 que perfectionum, nec non earum celebrationem, laudem,
 æstimationem, atque vivam quasi dictis & factis expressionem:
 tùm denique illius perfectionis debitam agnitionem, quâ
 summo perè vult ut id, quod ipsius est ipsi tribuamus, ho-
 minibus quod hominum est, aliis rebus quod illis proprium
 atque privum, atque adeò suum cuique, majestatem ac digni-
 tatem summam, qui ea dignus, talis verò cùm præter Deum
 solum alter non sit, eam unicè & in totùm ipsi deferamus,
 honorem, qui honore, amorem, qui amore, bonum, qui
 bono, malum, qui malo, præmium, qui præmiò, pœnam,
 qui pœnâ digni sunt: ibidem inquam harum perfectionum
 exactissimam ac debitam urget observationem atque reveren-
 tiam, ut sic tùm gratia ac misericordia ejus benignò ac
 promptò animò excipiantur, tùm sanctitas & justitia ejus
 summo perè suspiciantur ac celebrentur. Videri possunt in
 hanc rem loca insignia, Exod. 34: 6, 7. ubi Deus primò qui-
 dem se describit tanquàm qui sit *misericors*, *gratiosus*, *longani-*
mis & *multus benignitate*, deindè verò contestim subjungit
 se esse quoque talem, qui *visitaturus sit iniquitatem patrum in*

D

filiis

filiis &c. atque adeò sanctum ac justum: item divi Pauli ad Rom. 3: 24, 25, 26. ubi similiter, imprimis Dei gratia tanquam ingens beneficium ac fons, ex quo manat iustificatio nostra gratuita facta per redemptionem Christi, proponitur: postea verò iustitiæ divinæ integritas ac perfectio adstruitur, quam demonstrat tunc etiam cum iustificat eum qui est ex fide Jesu, hoc est, eum cui ex mera gratiâ ac misericordiâ suâ per Spiritum suum indulget fidem, ut mediante eâ apprehendat iustitiam Christi, eamque suam faciat, sicque justus evadat. Sed non est necesse ut plura in hanc rem congeramus loca Scripturæ: hoc solum modò unicum ritè consideremus, quid sibi velint illæ sanctiones sive fœderales, sive legales, vel potius doctrinæ gratiosæ? scil. *Quicumque fecerit ea vivet in iis. Maledictus qui non manserit in iis, quæ Scripta sunt in libro legis. Qui credit in Christo habet vitam æternam. Qui verò non credit jam condemnatus est: in quibus procul omni dubiò, quemadmodum divina gratia ac misericordia adstruitur: quando enim dicitur. Qui fecerit ea &c.* tantundem est ac si diceretur. *Qui credit*, at verò ut quis credere possit indiget auxiliatrici divinâ gratiâ ac Spiritus Sancti gratiâ atque efficaci operatione; ita paritèr iustitia ac sanctitas divina firmitèr Deo asseritur, siquidem dùm id dicitur. Quòd *maledictus omnis, qui non permanet in omnibus &c.* tantundem est ac si diceretur. *Qui non credit non videbit vitam, sed ira Dei manet super eum*, quæ ira manifestum signum est iustitiæ, quam non potest non demonstrare in condemnatione ejus, qui Filium tanquam unicam viam ad felicitatem ab ipso ordinatam repudiat.

§. XLVI. *Ceterum.* Et illud appositè atque apprimè potest prædicari de doctrina illa, quam Scriptura Sacra pandit, quòd ea non solum viam ac modum, quò homo miser, alienatus a vita Dei, servus atque mancipium Diaboli, possit emergere ex tanta miseria, tantòque malò, & cum Deo re-

con-

conciliari (uti suprà vidimus) doceat; sed insupèr etiam modum legitimum ac rectam rationem verum ac unicum Deum colendi; quàm jam peccator in amicitiam atque foedus Dei receptus & potest; & debet Deum, ut suum Deum, suum Jehovah, Patrem gratiosum ac complacatum in Christo Jesu, rationali modo colere. Et uti varius fuit status peccatorum Deo per Christum reconciliatorum, atque ad suam ejus communionem assumptorum; ita varius etiam ac diversus modus Deum colendi, five Deo cultum præstandi, in Scriptura Sacra proponitur, qui diversitati statuum ad foedus Dei admissorum adtemperatus fuit, maximè si ea spectentur, quæ externè a fidelibus ac foederatis peragebantur, ingens in cultu divino reperitur differitas ac diversitas: modus enim Deum colendi sub *promissione* viventium, foederatorumque Dei præcipuus ac legitimus; externus nempe, consistebat in sacrificiis, (ex Dei proculdubio institutione id haurientibus) mox post primam illam promissionem oblati. Hinc subindè *Abelis & Caini Sacrificia memorantur*, Gen. 4: 3, 4. mundorum ac immundorum animalium discrimina (quò discrimen Judæorum & gentium significatum esse putamus) notantur, Gen. 7: 2. sic *Noachi*, Gen. 8: 20. Abrahami non semel, in quem finem etiam altaria pluribus vicibus extruxit, Gen. 12: 7, 8. & 13: 18. in quibus sacrificiis, veluti in quibusdam picturis Christi, fide Christum prospectabant, & primam illam promissionem recolebant, fideles, istius temporis. Sub *Veteri* autem *Testamento* (cujus initium a monte Sinai repetendum) modus ac ratio Deum colendi divinique cultus, consistebat equidem similiter in sacrificiis, sed longè aliam faciem præbentibus, quàm illa quæ sub promissione obtinebant; siquidem illa erant libera, nulli certo loco, tempori, personæ adstricta, hæc certis terminis, locis, temporibus, personis circumscripta, ultra ac citra quos legitime perfici non poterant; illa erant perpauca,

hæc in ingentem excreverunt cumulum; illa non tamen erant molesta ac onerosa quàm hæc (quæ prolixius in Libris Mo-
sis videri possunt) nihilominus tamen utriusque temporis
Sacrificia in eo aptè conveniebant, quod fuerint quasi quæ-
dam elementa ac prima principia, quibus ducerentur fide-
les ac fœderati ad *corpus* omnium illorum *Sacrificiorum*,
Christum nempe. Hodie verò sub N. T. abolitis atque abro-
gatis omnibus istis Sacrificiis, modus ac ratio vera Deum
colendi, est penitus *rationalis* ac *Spiritualis*, Rom. 12: 1.
adeò ut jam non amplius cogamur ad oblationem Sacrificio-
rum istorum mutorum, sed solùm ad hoc, ut Deum prout
Spiritus est, sic etiam in *Spiritu & veritate* colamus per fidem
Jesu Christi, ipsique nostra corpora *victimæ sistamus sanctas*
ac *vivas*, atque ipsum glorificemus *corpore & Spiritu*,
idque sive *edamus* sive *bibamus*; atque adeò cuncta nostra
cogitata, desideria, dicta, facta eò tendant, ut Deus glorifi-
cetur in nobis & per nos, 1 Cor. 10: 31. Si verò internam
ac formalem rationem veri ac genuini cultûs Dei, atque adeò
intrinsecam naturam (ut ajunt) ac essentiam paulò accura-
tius consideraverimus, ea procul omni dubiò fuit omnibus
temporibus una eademque (quamquam & hîc forsàn posset
aliqua concipi diversitas, saltem quoad relationem fidelium
diversam ad Deum) siquidem omni tempore id verum fuit
ac immutabile mansit, quòd homo peccator ad fœdus &
amicitiam Dei vi sponsonis Christi admissus, Deum ex *toto*
corde, ex *tota anima*, ex *omnibus viribus ac facultatibus colore*
deberet, omniaque cogitata, desideria, dicta ac facta, volun-
tati Dei conformare, omni tempore, locò, momentò,
statu, sibi serìò attendere, ne amplius fœdus ac amicitiam
cum Deò benignissimò ac gratiosò reparatam violaret ac læ-
deret.

§. XLVII. *Dein*. Certè si quicquam appositè de doctrina
in Sacra Scriptura contenta prædicari potest, potest & illud
con-

concinne ac elegantèr, quòd ea ejusmodi tradat, tùm *præcepta*, quæ in omnibus suis apicibus Deum decent, quæque *cum iure Dei, cum relatione hominis ad Deum, hominis ad alios homines, & res alias quascunque*, exactissimè conveniunt, atque adeò quæ sunt *sancta ac pura*, adeò ut ipsas etiam cogitationes, ipsos affectus internos cordis, ac ipsa desideria in certum atque justum ordinem cogere queant, simulque apta sint ad hominem omni virtutum genere perfectum & Deo dignum reddendum: tùm *dogmata*, quæ licet nullâ rationis industriâ investigari quivissent, quippè quæ infinitis parasangis superant activitatem finitæ nostræ mentis, vimque cognoscendi limitatam; nihilominus tamen simulac ea revelat atque ad conscientiam demonstrat, non potest non assensum præbere illis conscientia atque ea approbare, utpotè quæ apprimè conveniunt cum dictaminibus conscientiæ. Quapropter operæ pretium erit paucis ea *dogmata ac præcepta* expendere, atque videre, quid de Deo? quid de hominibus aliis? ac rebus aliis quibuscunque præcipiant ac doceant? Univerfa præcepta in utraque pagina Sacrarum Scripturarum occurrentia, jubent *Deum* tanquàm summum bonum, utpotè *præter quem nemo est bonus, ex toto corde, ex tota cogitatione ex totis viribus atque omnibus facultatibus amare ac diligere*, Matt. 22: 37. coll. Deut. 6: 5. at verò quid eò sanctius, quid convenientius excogitari potest, tùm *natura Dei*, quippè qui est summum ac perfectissimum bonum, proindeque summoperè amabile, desiderabile, omnique quæstione dignum? tùm *natura hominis*, qui est factus ad amandum ac desiderandum bonum, ad quærendum bonum, & quidem summum ac perfectissimum, quod omnia ejus desideria explere, omnes ejus facultates modò perfectissimò perficere? proculdubio nihil æquius talibus præceptis excogitari potest. Undè Christus etiam hanc dicit esse summam & compendium, atque adeò *maximum omnium præceptorum, diligere nempe*

D 3

Deum

Deum ex toto corde, ex tota anima &c. denique jubent, ut Deo tanquam unico ac summo Dominorum Domino, Regum Regi, cuius nutu stant caduntque omnia, nos in totum humillimo obsequio subijciamus, *explorantes in omnibus quæ sit voluntas eius Sancta, iusta*, atque ita conformemus nostras cogitationes, nostra desideria, dicta ac facta ipsius voluntati, tanquam unicæ ac perfectissimæ normæ omnium actionum nostrarum: porro ut ipsum tanquam exemplar nostrum pereximium imitemur, & prout ille *Sanctus est*, nos etiam pariter studeamus *Sancti esse*, Levi 19: 21. prout *iustus*, similiter nos quoque operamur ut simus *iusti*, & in omnibus quantum potè nos ratione prælici, rationem illam (si fas sit ita loqui) increatam imitemur illique affilemur: hæc & hisce similia penè infinita præcipit Scriptura de Deo. Nos quod attinet, jubent divina ista præcepta, ut nos amemus, nostrum corpus foveamus, sustentemus, alamus, illud non destruamus, non occidamus, quin potius defendamus, tueamur, vitamque nobis eripi non patiamur, animam ejusque facultates, intellectum scil. & voluntatem, Dei cognitione imbuamus, operumque divinorum contemplatione muniamus, verbò ut cum timore ac tremore operemur salutem nostram. Alios verò homines quod attinet, jubent illos pari amoris sinceritate amare ac nos ipsos, eos honorare, æstimare, illorum vitæ parcere, non occidere, illorum salutem promovere, omni-que nisu ac studio id agere, ut ejusdem summi boni veri amatores existant, ad eandem felicitatem contendant, uni eidemque Domino obtemperent, legibusque ejus se se subijciant, uti (ut alia taceam) summam eorum complexus est Christus in isthoc præcepto, Matt. 22: 39. quando inquit, *Diliges proximum tuum ut te ipsam*, a quo præcepto totam legem pendere dicit divus Paulus, Gal. 5: 14. hoc est, hoc præceptum continet summam omnium legum divinarum; quia nemò vel se, vel proximum ut se, verè amare potest, nisi

nisi amet Deum, ex toto cordo ut summum bonum, eo-
 que frui velit, atque adeo illum constituat omnium cogita-
 tionum, desideriorum, dictorum ac factorum finem ulti-
 mum, &c. Adeoque hoc præceptum involvit præceptum
 amoris Dei, proindeque totam legem; siquidem tota lex,
 sive tota doctrina Scripturæ hinc duobus præceptis absolve-
 tur. *Diliges Deum tuum, & proximum tuum ut te ipsum.*
Res, præterea, alias quod attinet, circa eas quoque talia
 jubent facere illa præcepta, ut in iis mirari possimus *θεωρεῖ-
 πειν* summam: quibent enim ut omnibus utamur ad glori-
 am Dei, tam cibò quàm potu nostrò, 1 Cor. 10: 31. sicque
 bona nostra, divitias, opes, & res quascunque tractemus,
 voluntatiq; divinæ subordinemus, ut tandem Deo fruamur.
 Hæc igitur omnia præcepta tam sancta, tam pia, tamque
 divina sunt, ut nulla his vel sanctiora, vel magis pia, vel
 magis (si fas sit ita loqui) divina dari queant, quæ vel Deo,
 vel nobis, vel aliis hominibus, rebusque aliis quibuscunque
 accuratius conveniant. Quorum omnium insignem summam
 ac epitomen exhibet nobis Apostolus Paulus ad Tit. 2: 12.
 cum inquit, debere nos *σωφρονῶς temperanter, δικαίως justè,*
ἐν τῷ θεῷ pie vivere. Pie erga Deum, *justè* erga nos & alios ho-
 mines, *temperanter* uti rebus hujus mundi. *Dogmata* autem
 tradit planè divina ac cælestia, sancta, pia, omnibusque nu-
 meris divinis perfectionibus apprimè convenientia, qualia
 sunt, quæ tum de Sacro Sancta Dei Trinitate, Patris, Filii &
 Spiritus Sancti simplicissimâ unitate, de consilio ac pacto Patri-
 æ cum Filio, de consilio gratiæ trium personarum divinarum,
 consultantique ante jacta mundi fundamenta, de assumendis
 certis quibusdam hominibus ex massa perditionis, de admi-
 randa trium personarum œconomia in opere salutis, quam
 qualibet in procuranda hominis salute sapientissimè servat,
 de Christi in plenitudine temporis exinanitione ac humili-
 atione, & ipsius nativitate ex virgine, passionibus, morte,

se-

sepulturâ, resurrectione, adscensione in cœlos, deque effusione Spiritûs Sancti donorum uberius factâ in N. T. atque adeò satisfactione plenariâ, de fide, de justificatione hominis impii ac iniusti gratuitâ coram Deo, de vita æterna quam cultoribus suis Deus promittit, cujusve respectu mortem & afflictiones ferre jubet, de resurrectione mortuorum tam piorum, quàm impiorum &c. Hæc omnia (& his plurima) talia tantaque sunt, ut nullâ rationis industriâ erui potuissent, nisi Scriptura nobis ea plenius ac planius manifestasset: quod simulac fecit conscientia nostra non potest non iis assentiri, atque in illis summam Dei tùm sapientiam, tùm maiestatem ac potentiam summoperè admirari; quippè quæ agnoscit Deum esse ens perfectissimum, sapientissimum, potentissimum, proindeque nihil illum operari quod summis ipsius perfectionibus exactissimè vel non conveniat, vel eas non deprædicet.

§. XLVIII. Superest ut addamus ac doceamus, quàm venustus ac pereximius sit consensus, eximiaque coherencia inter omnes ac singulas partes illius doctrinæ, quam Scriptura ambabus quasi manibus nobis offert, adeò ut ne minima quidem inter priora ac posteriora, magna at parva, difficilia ac levia observari possit discordia: si autem aliqua talis observetur, id fit non tam a parte rei, quàm a parte nostri, & ob defectum ac minùs in istis rebus exercitatum sensum. Quem consensum ac quam coherentiam pereximiam (ut ne prolixi simus) mecum una omnes ii agnoscant, qui paulùm operæ impenderint illi doctrinæ perscrutandæ, idque probè fixum atque repositum memori mente tenebunt, quod Moyses fuerit coryphæus omnium Prophetarum atque antesignanus, quem reliqui Prophetæ ex divina institutione sequi debebant, tanquam eum, de quo tale insigne encomium prædicat Scriptura, Num. 12: 7. coll. Heb. 3: 5. quod ille fuerit *fidelis Dei servus in tota domo ejus*, h. e. in Ecclesia omnium tempo-

temporum, adeò ut cuncta per eum summatim atque in compendio dicta sint, quæ spectabant ad ædificationem Ecclesiæ omnis ætatis, atque ad propagationem posteriorum *regni Christi* usque ad finem seculorum omnium: quod si verum est, uti procul omni dubiò est verum, necesse erat ut omnes sequioris ætatis Prophetæ ipsius vestigia legerent, nihilque extrà ipsum, sed omnia ex ipso, & ad ipsius mentem uberiùs intelligendam dicerent, atque in omnibus ad normam quasi a Mose sibi propositam ac præscriptam attenderent, quippè ejus sermo est *testimonium eorum* omnium, quæ deinde erant *dicenda de Christo*, Heb. 3: 5. ut ita jucundè ac venustè doctrina illorum cum doctrina Moysi omnibus numeris conveniret. Hoc respectu id fieri a Prophetis, tam majoribus (ut vulgo nominantur) quàm minoribus, certò colligo, quod frequentissimè ac planè innumerabiles provocent Israëllem ad ea verba Dei atque præcepta דברים *judicia* דברים *statuta ac definitiones*, quas, & quæ, olim Deus per servum suum *fidelem in tota domo* h. e. Ecclesia omnium temporum, seculorum, ætatum, Moysen nempe, promulgavit, quæque per eundem describi jussit; uti hoc vel ex uno (qui omnium instar esse debet.) Malachia Prophetarum omnium ultimò luculentè patet, Mal. 3: 22. *Recordamini*, inquit, *doctrinæ* sive *legis Moysi servi mei*. Sed non solùm Prophetis V. T. id erat familiare, quod identidem revocent suos auditores ad Moysen; verùm etiam Christo Domino, & Discipulis ejus insignibus certè Scriptoribus N. T. id fuit familiarissimum. De Christo Domino provocante ad Moysen ejusque doctrinam videri possunt loca, Joh. 5: 45, 46, 47. ubi Christus Dominus sermonem conferit cum Judæis *incredulis*, addens rationem quare sint tales; quia nempe *gloriam alii ab aliis captarent*, & *gloriam* illam, quæ a Deo proficiscitur, non *quererent*: quibus verbis auditis Judæi efferbuerunt in Christum, & videntur quasi jurgari (licet hoc expressè non dicatur

E

dicatur

dicatur) cum Christo, rogantes ipsum, quare illos accuset incredulitatis coram Deo? ad quorum interrogationem jam respondet Christus his versibus, & dicit. *Ne putate me accusaturum vos apud Patrem: est enim alius qui accuset vos, ille verò quis sit indicat, Moses est, in quo vos speratis. Si enim crederetis Moysi, crederetis & mihi; nam ille de me scripsit &c.* Luc. 24: 27. ubi rursus Christus duobus discipulis Emauntibus, deque morte ac resurrectione ejus variè differentibus, ac anxie disquirentibus exposuit, Christum ea debuisse pati priusquam in gloriam introiret, cujus suæ expositionis exordium repetit a Mose & omnibus Prophetis, quò insinuare vult illis, quòd si essent rigidi custodes doctrinæ Moysi, id peregrinum non videretur illis, quod factum est in Israël cum Christo; quia secundum doctrinam Moysi ea ita debuerunt fieri: item Luc. 16: 29. cum dives peteret Abraamum, ut Lazarum mitteret ad suos fratres, dicit ei Abraamus: *Habent Moysen & Prophetas, audiant eos.* Similiter Paulus etiam testatur se credere omnibus, quæ in Lege h. e. libris Moysi, & in Prophetis scripta essent. *Apostoli* etiam innumeris ferè locis non solum citant Moysen, verum etiam ejus verba, phrales, sententias, imò integras quandoque historias (ut Act. 7: videre est) describunt, uti hoc Apostolorum scripta ac Epistolas legenti est manifestum, adeò ut non sit id necesse hinc multis atque operosè demonstrare. Undè luce meridianâ clarius patet, quàm venusta sit harmonia inter omnes Scripturæ partes, adeò ut nullus in iis hiatus, nulla conturbatio partium uspiam reperiatur, quin potiùs priora posterioribus, posteriora prioribus, prima mediis, media ultimis ita concinnent, ut in illis extet luculentissimum testimonium de his, & hæc illis ad amissim (ut ajunt) respondeant, & omnia ad eundem finem jucundâ serie atque unò humerò colliment, ad gloriam nempe Dei, & ædificationem domus ipsius h. e. Ecclesiæ, quæ

quæ est *corpus Christi mysticum*: uti hoc graphicè describit Apostolus Paulus, Eph. 4: 11. 12. *Is igitur* (loquitur de Christo qui in cœlum ascenderat) *dedit, alios quidem Apostolos, alios Prophetas &c. ad compactionem sanctorum, ad adificationem corporis Christi.*

§. XLIX. Restat adhuc illud quoque observandum, quòd Scriptura Sacra ejusmodi doctrinam nobis præponit, quæ cuncta illa, quæ in secretissimis arcani pectoris recessibus abscondita ac clausa gerunt homines, tanquàm aperta ac omnibus obvia recludit atque reseat, ob oculosque ponit, adeò ut nihil quicquam eorum lateant quenquam. Quid quæso occultius atque ab omni sensu, cognitione, visu, tactu hominum remotius, cogitationibus nostris sive bonis sive malis, sive sanctis sive profanis, justis ac injustis, æquis ac iniquis, rectis ac pravis? Quid cordibus ac renibus nostris? Quid nostris actionibus in abditis atque atrâ caligine circumseptis locis perpeffis? Ecquis mortalium ea novit, quæ in sinu mentis humanæ secretissimò hærent, nemò nisi Spiritus hominis qui est in ipso? Nihilominus tamen vix quicquam familiarius est Scripturæ, quàm id ubique inculcare, quòd Deus sit scrutator *cordium* ac *renium*, omnium cogitationum tam bonarum quàm malarum pensiculator, Jer. 11: 20. coll. Apoc. 2: 23. & cui tenebræ obtenebrantes quasunque res quàm spississimè nihil obstant, quò minus eas pervideat, adeò ut nox sit *instar diei in conspectu* ejus, & *tenebræ perinde atque ipsa lux*, Plal. 139: 12. Nec est ulla res creata non manifesta in conspectu ejus, imò omnia nuda & intimè patentia oculis ejus, inquit Paulus, Hebr. 4: 13. denique ad vivum depingit doctrina in Scriptura contenta, quales sint hominis corrupti ac irrogeniti cogitationes, quandò eas dicit esse *tantum modò malas omni tempore*, & quod *cadem, adulterium*, sive scortationem spirent, quodque ea tantum sapiat mens perversa, quæ spectant stultitiam, vanitatem futi-

litatem, concupiscentiam carnis, pompam oculorum, fastum huius vite; at verò mens pia ea quæ regnum Dei, gloriam Dei, salutem suam, & ædificationem in omnibus proximi.

§. L. Addi debet hoc etiam, quod magna insit efficacia illi doctrinæ, quam Scriptura pandit, adeò ut in iis omnibus, qui eam aut legunt, aut audiunt, aut aliis exponunt per publicum præconium, vivida extent illius efficaciarum argumenta, vel in bonum vel in malum interitum atque cesserunt iis qui eam legunt vel audiunt. Proculdubio si accuratius inquisiverimus in efficaciam illius, tantam eam experiemur, ut nos confestim in suam rapiat admirationem; siquidem illius tot extant documenta & specimina, quot olim fuerunt fideles, & quot hodie adhucdum sunt, quotque futuri sunt, qui humillimò obsequiò eam receperunt, recipiunt, & recepturi sunt. Unde putamus quæso factum esse, quòd homines in peccatis mortui, in iis obdurati, *cor lapideum ac saxeum, cor præputiatum*, Deo suo adversum ac inimicum, gestantes, naturalitèr Deum odio habentes, in cognitione viarum ejus non delicias, sed faciem ejus ac conspectum omni nisu fugientes, ipsius nomen, gloriam, perfectiones, virtutes, proprietates, opera blasphemantes ac contemnentes, mox ingentem patientur metamorphosim, simulac attentas præbere incipiunt aures huic doctrinæ, adeò ut cum ex morte peccati resurgant, peccatum cujus amore antea flagrabant detestentur, non amplius gerant cor filiceum, sed carneum, circumcileum, Deo in omnibus obsequiosum, & Deum quem fugiebant, quem odio habebant, in cujus viarum cognitione non delectabantur, nunc studiosissimè quarant, tenerimè ament, castæ atque puræ deliciæ sint ipsis viæ Dei? Unde tot populorum, gentium, nationum, regnorum, familiarum, magnorum, parvorum, nobilium, ignobilium, unanimis atque sincera ad Deum conversio? firmum atque con-

constans non tantum secundum quædam, sed secundum omnia Dei præcepta vivendi propositum? nonne a doctrinæ illius singulari efficacîâ, quam Scriptura Sacra pandit, haud omni dubio id omne factum est, vi & efficacîâ planè divinâ doctrinæ illius, quæ est *potentia Dei ad salutem omni credenti*, Rom. 1: 16. quia potens est hominem in peccatis ac lapsibus mortuum vivificare, omnesque facultates hominis, atque effrænes affectus in legitimum ordinem ac humile Dei obsequium cogere, idque per certas ac validas rationes, quibus ad amandum Deum tanquam summum suum bonum, quò quoad omnes sui partes ac facultates perfectè perfici potest, pellicitur ac suavissime adducitur: denique quod olim, gens Judaica nefandæ ac turpi idololatriæ dedita, omnem cultum idolorum subito abdicaverit eique renunciaverit, Deumque unicè colendum, amandum, quærendum sibi proposuerit? quod Prophetæ tantos profectus fecerint coram Regibus, Principibus, Satrapis sapissimè impiis? quod Apostoli miserimi homuntiones, *stulti, ignobiles, fæces hominum* (si cum aliis comparentur:) brevi temporis spatio, tam longè latèque gentes barbaras ac moribus effrænes ad amplectendum nomen Christi, ipsique humilimò obsequiò serviendum perducere potuerint? & quod ad Petri concionem unam tria millia hominum sint unò eodemque tempore conversa? quòd in dirissimis ac acerbissimis persecutionibus non defuerint plurimi, ex ipsis etiam hostibus, qui huic doctrinæ fidem dederunt? & proin quod hodie quoque ad hunc usque diem non desint, qui Christum confiteantur, missa facientes Diaboli opera, atque fabulas inutiles ab hominibus effictas detestantes, & quasi cum impetu ac zelò ruant in amplexum hujus verbi; hoc certè omne unicè & in totum illi doctrinæ, quam Scriptura proponit, adscribendum est, & quam tùm Prophetæ, tùm Apostoli, tùm denique ministri verbi Dei veri omnes prædicarunt? Nec id mirum ac portentosum esse cuiquam potest; siquidem

doctrina hæc est, ut *ignis* h. e. quæ consumit atque depascit concupiscentias pravas, pravos affectus, in corde hominis, ac proin amorem Dei sincerum excitat atque accendit, & *malleus qui facit dissilire petram* h. e. habet vim & ἐνέργειαν efficaciam ἀνυπόστατον irresistibilem, Jer. 23: 29. est efficax, *secantior* sive penetrantior omni gladio ancipiti, Hebr. 4: 12. est *romphaea* illa *anceps acuta* quæ ex ore Christi prodiit, Apoc. 1: 16. h. e. quæ habet vim utraque mentis facultates intellectum nempe & voluntatem in obsequium humile Dei cogendi; sive vim *sanandi* atque convertendi, & *nocendi* atque perdendi, destruendi eos, qui ei se contumaciter opponunt. Summa ergò inest efficacia doctrinæ in Scriptura contentæ.

§. LI. Porro. Extrà omnem dubitationis aleam, hoc quoque elegantèr quadrat in illam doctrinam, quam Scriptura pandit, quòd ea contineat illustrissimas ac magnificas *Prophe-
tias*, tam *verbales* quàm *reales*, quæ omnia ea, quæ a communi cunctorum hominum sensu, usu, potentiâ, arbitriò, voluntate, industriâ, innumeris paralangis distant, quæque agunt de rebus futuris, liberis, contingentibus, comprobante eventu certissimè prædicunt. Ad hanc verò rem probandam, multis ut utamur argumentis necesse non est; siquidem omnibus, qui Scripturam attentè legunt, scrutantur ac meditantur, vel saltem qui eam primis labiis degustant, id est manifestum. Sufficiat ergò hîc quædam loca Scripturæ notasse, in quibus *Prophe-
tias* verbales perillustres esse nullus negabit, nisi is, qui omnem Prophetiam sive omne studium Propheticum abjurat, & cui non est volupe inquire in mentem Domini, quid scilicet de domo suâ ultimis temporibus futurâ decreverit. Primas teneat in ordine speciosissimus ille locus, Gen. 3: 14--17. in quo est prima omnium Prophetiarum verbalium non solum, verum etiam compendium atque matrix foecundissima, ex qua reliquæ omnes jucundâ serie natæ sunt; in qua proinde prædicatur ho-

hominem per peccatum (ut brevibus complectamur) servituti Diaboli mancipatum, per *semen mulieris*, h. e. Christum, emancipandum esse, illius potestate per mortem hujus sublatâ &c. quod ex collatione loci Paulini, ad Hebr. 2: 14. 15. luculentissimè patet. Succedat illi alius pariter pereximius, Gen. 8: 21, 22. qui continet Prophetiam de tolerantia divinâ, quâ homines benignissimè tolerat usque ad diem ultimi judicii, eosque non amplius deleturus est ultricibus aquis diluvii de facie terræ. Hunc sequatur, Gen. 9: 25--27. qui fata sive diversos status Ecclesiæ ultimis temporibus futuros, sub triplici statu filiorum Noachi, depingit. Illi immediatè addantur, Gen. 12: 7. & 15: 13, 14, 15. & 17: 8. quæ describunt Prophetiam insignem, quæ Abrahamo contigit de futuro statu seminis ipsius &c. Non omittatur Prophetia, quæ de Jacobo & Esau, cùm adhuc in utero materno essent, Isaaco facta est, Gen. 25: 23. in qua sub nomine & personâ duorum istorum filiorum describitur duplex status Ecclesiæ Dei, &c. Addatur his omnibus (multis aliis omissis, quas hîc recensere nec est animus, nec instituti ratio patitur) ceu cumulus quidam, Gen. 49: 10. ubi est insignis Prophetia de adventu Christi in carne, insignitâ temporis qualitate, quandò id futurum esset, itemque de latitudine & amplitudine regni ejus inter gentes, de fructibus adventûs Christi, Ps. 11. & similibus talibus ingentibus rebus, quas prolixè nunc exequi nolumus. Quod attinet *Prophetias reales*, (quò nomine indigitamus typos) tot numerò eæ sunt, quot olim fuerunt, res memorabiles ac momentosæ, tam sub promissione quàm sub lege, quot fuerunt sacrificia, quot personæ illustres, quot illustria facta ac gesta ab illis, quot loca sacra, quot dies sacri, quot anni sacri, quot festa sacra &c. in quibus est quasi totidem viva effigies earum rerum, quæ vel ipsum Christum spectabant, vel Ecclesiam solam, vel simul Christum & Ecclesiam, quæ pluribus

bus hinc pertractare instituti nostri ratio non patitur; siquidem illa magnam certè & mirabilem mysteriorum Sylvam aperirent, adeò ut vix ea cancellis & septis nostræ dissertationis includi possent.

§. LII. *Demum*. Hoc quoque elegantè ac venustè de doctrina illa cœlesti, quam Scriptura nobis ad ravim ac nauseam quasi inculcat, affirmari potest, quòd nimirum ea de illo magnò nostræ fidei articulò ac fundamentali dogmate, resurrectione nostrâ, uberrimè ac plenissimè erudiat, adeò ut per omnia proprium ac privium sit hoc dogma illi doctrinæ, neque de eâ aliunde quàm hinc plenissimè ac certissimè erudiri quisquam mortalium possit; utique derelictò hoc *Duce ac Doctore* perenne nobis cœlestis lætitiæ nectar offerente, ac ad vivos aquæ salutaris fontes rectà ducente, heu quam miserrimè aberrarunt omnes circa hanc doctrinam, sive ii fuerint gentiles, sive Judæi, sive Christiani, & aberrant adhucdum hodie plurimi impingentes in dogma hoc, ceu in lapidem offendiculi ac scandali! Omni itaque exceptione majoribus argumentis, partim ab *oraculis* V. T. desumptis, Psal. 90: 35. Deut. 32: 39, partim ac *testimoniis* N. T. Joh. 5: 28. 29. 1 Cor. 15: toto capite illo in eo est Paulus, ut hanc doctrinam stabiliat, partim a primæva *promissione*, Gen. 3: 15. Coll. Heb. 2: 14, partim a *Fœdere Dei*, in quo Deus promittit se Deum fore nostrum, atqui *Deus non est Deus mortuorum*, sed *viventium* teste Matth. 22: 32, partim a redemptionis opere factæ per Christum, partim a justitia Dei, quæ cuique suum tribuit: partim a suspirio atque adoptionis plenariæ expectatione, Rom. 8: 23. docet Scriptura Sacra, quod corpora nostra, quæ in hac vita Dei atque Spiritus Sancti templâ ac domicilia viva atque sacratissima erant; quamvis propter peccatum per inobedientiam primorum hominum in vectum morti obnoxia sint, ac proinde in *pulverem revertantur* secundum sanctissimi ac iustissimi Dei sententiam,

pulvis

pulvis es in pulverem reverteris; nihilominus tamen certò aliquò die ac tempore, soli Deo notò, infinità Dei potentià ex pulvere terræ suscitabuntur substantià ac mole eadem, iisdem partibus essentialibus, quanquam longè aliis qualitatibus, quàm quibus hîc prædita erant: quippè quæ nunc *feruntur cum corruptione*, excitantur cum incorruptione, quæ cum ignominia, excitantur cum gloria, quæ cum infirmitate, excitantur cum potentia, feruntur corpora animalia, excitantur Spiritualia, 1 Cor. 15: 42, 43, 44. facitque Deus eadem potentià, ut id quod nunc est mortale & reapse moritur, tunc induat immortalitatem, cum qua nulla mortis imago ac portiuncula, aut suspicio consistere possit, ibid. v. 54. Et quid hisce convenientius vel Deo, vel homini excogitari potest? siquidem justum & æquum est, ut cum Deus promittit homini se fore ipsi in Deum, & homo tam animà quàm corpore id agit, ut Deum talem studiosissimè quærere, amare, & in omnibus ipsi placere, ipso frui ac beatam cum ipso communionem habere possit, justum inquam est ut Deus se talem ipsi actu demonstret, & se fruendum præbeat, adeò ut & anima & corpus exsatiari ipsius communione possint, quod tùm facit plenissimè, quando anima cum corpore ex pulvere terræ suscitatio unitur, & sic totus homo in gloriam introducitur, ut ita qui Deum glorificavit Spiritu & corpore, ipse quoque glorificetur tam quoad corpus quàm quoad animam sive Spiritum.

§. LIII. Nec de universali judiciò ultimis temporibus, seu ultimâ mundi vespërâ, futurò silet Scriptura, verùm illud pluribus ac penè infinitis locis asserit, docetque quod omnes homines oporteat manifestos fieri coram tribunali Christi. Id verò quò fine, subjicit? nempe ut unusquisque reportet quæ in corpore fecerit, congruentè ad id quod fecerit, h. e. si bonum Spiritu & corpore, accipiat bonum illud, quò tam quoad Spiritum quàm quoad corpus perfectè

F

per-

perfici possit; si verò malum paritè accipiat malum, 2 Cor. 5: 10. item quod, quodcunque *verbum otiosum* (h. e. inutile ad glorificandum Deum, ad ædificandum proximum eumque promovendum in via salutis; atque ad sui ipsius salutem, quippè quod est *ἄργον* absque opere sive debitâ perfectione) locuti fuerint homines, de eo reddituri sunt rationem in die iudicii, Matth. 12: 36. vide Apoc. 1: 7. Judæ *Ἰσλ.* 15. Et hoc maximè contentaneum est statui, vel potius dicam expectationi, fidelium præsentis: cum enim in terris bonorum, malorumque fata commixta, & rerum vices confusæ; pii ferè ingenti calamitatum ac miseriarum mole premuntur, impii verò ac irrisores, *animales*, *Spiritum Dei non habentes*, cupiditatibus suis incedentes, *improbi magna vi se se erumpunt ac explicant, tanquam arbor virens*, Psal. 37: 35. prosperitate iucundâ fruuntur, pingue robur eorum, cincti torque superbia se efferunt, &c. Psal. 73. proculdubio tempus olim venire necesse est, quò Deus piorum impiorumve delectum agat, & res humanas emendet, congruentèrque unicuique secundum id, quod fecit in corpore, præmia sive pœnas assignet atque rependat, ipsum diligentèr quærentibus, se fruendùm præbeat ac eos cœlestibus bonis perfundat: se verò, & res suas contemnèntibus diras pœnas infligat, suòque aspectu iucundò privet in æternum, atque expellat a facie Domini & gloria ipsius; siquidem illi etiam æternum bonum contempserunt, justum itaque ut experiantur re ipsâ, quid sit contemnere summum ac æternum bonum, pati nempe æternos cruciatus ac dolores. Verùm (ut alia omittam) totam hanc rem paucis complectitur Paulus in insigni illo loco, 2 Thess. 1: 6, 7. *Si quidem iustum est apud Deum, vicissim reddere iis, qui affligunt vos, afflictionem. Vobis verò qui affligimini, relaxationem in revelatione Domini Jesu de cælo, ultimâ mundi vespèrâ futurâ.*

§. LIV. Hactenus, quantum pote, copiosè demonstravimus;

vimus, omnes illas notas, omnia illa *verba*, quæ ex intrinseca rei natura (ut ajunt) depromuntur ad probandam verbi alicujus divinitatem, appositè convenire illi doctrinæ, & non nisi illi, quam Scriptura pandit: restat ut nunc monstremus illa quoque criteria, quæ desumuntur a modo tradendi sive ab externa ejus (ut ajunt) specie, rursus ad probandam divinitatem alicujus verbi, apprimè prædicari posse de illa doctrina, quam Scriptura ambitu suo continet. *Primo* itaque observamus, quòd modus tradendi sacram doctrinam talis fuit, qui comitem habuit operum magnificorum tale agmen quale nullius unquam mortalis, licèt sapientissimi ac ingeniosissimi opus vidit, nec unquam visurum est. Opera autem illa magnifica, sunt innumerabilia ferè miracula ista, quæ Deus ad confirmandam ac stabiliendam divinitatem procul omni dubiò Scripturæ Sacræ singularitèr suâ infinitâ potentiâ patrare voluit, ut eò ipsò etiam majorem majestatem ac auctoritatem conciliaret illi doctrinæ: talia verò miracula fuerunt illa, quæ tùm coram Pharaone Rege Ægyptiorum per Moysen *fidelem suum servum in tota domo ipsius*, atque Aaronem fratrem Moysi (illò typò existente Christi, hoc Apostolorum omniumque verorum ministrorum Christi) patrata sunt, occasione educationis Israelitarum ex durissima captivitate (quæ educatio præludium fuit futuræ educationis Ecclesiæ Christi ex Ægypto Spirituali) Ægyptiacâ, de quibus prolixè Moyses, Exod. 7. 8. 9. 10. 11. capitibus. *Tùm tempore datarum legum ad montem Sinai*, ut sunt, *descensus Dei magnificus ac tremendus ex cælo cum densa nube, soni varii, fulgura, fumatio montis Sinai, sonus tubæ &c.* tùm tempore Ævangelii promulgati, quò Christus & Apostoli variorum miraculorum patratiōe inclaruerunt, cujus generis sunt, *Sanationes cæcorum, Claudorum, surdorum, mutorum, aqua in vinum conversio, Spirituum impurorum ejectio*, & alia plura. Non putandum est, Deum omnipo-

tentiam suam adhibiturum fuisse unquam ad tot tantaque *miracula* patranda, quanta patrata legimus, tum occasione exhibitæ legis sive promulgationis doctrinæ Mosaicæ, tum occasione prædicationis doctrinæ Evangelicæ; si doctrina tam Mosis quàm Evangelica, fuisset merum figmentum crebri humani, atque ingeniosum sagacioris mentis inventum, ad populos in officio suo continendos; siquidem eo ple, si Deus id fecisset, testatus fuisset se ea velle, quæ ipsum minimè decent, quæque ad illustrationem perfectionum suarum minùs sunt apta, quod de Deo dicere est proculdubio insanire; quandoquidem Deus omni tempore flagrat amore suarum perfectionum, virtutum, ac decentiarum, proindeque nihil operatur, dicit ac facit, quod non conveniat cum suis perfectionibus divinis. Itaque dicimus, quod cum ex una parte videmus *doctrinam* tum Mosis, tum Apostolorum divinis perfectionibus pereximè congruere, proindeque Deum docere, utpote quæ ejus divitias aperit: ab altera verò parte illustria ac augusta miracula, quæ omnem potentiam ac industriam hominum superant, patrata esse, & quidem isthoc eodemque tempore, quò illa doctrina cœpit inclarescere sive promulgari; dicimus inquam illa miracula eò sine facta esse, ut talis doctrinæ *θεοπρέπεια* confirmetur ac stabiliatur; quæ duo procul omni dubio ubi conjunguntur: quod nempe & doctrina promulganda Deum decet, atque adeò perfectionibus ejus congruit, & miracula illustrissima fiunt, extra omnem dubitationis aleam certum est, doctrinam illam esse divinam atque divinitus inspiratam. *Secundò.* Id quoque, quod doctrina illa, quam Scriptura tradit, antiquitate ac vetustate non solum certat cum aliis doctrinis, verum eas infinitis parafangis antecellit ac superat, cunctasque quoad se novitias ac nuperas reputat; siquidem, ea non solum narrat res antiquissimas, ut sunt, *creatio mundi, creatio hominis, hominis lapsus, ejus redassumptio, diluvium &c.* verum etiam est cõta-

cōstantea mundo atque humano generi, proindeque omnium doctrinarum antiquissima. Porro, neque illud sicco pede prætereundum est, quod illa doctrina, in sua sanctitate, puritate ac integritate, facta ac illibata semper fuit conservata, divinâ certè providentiâ jugiter pro ea excubias agente, contra omnium malè sanorum atque malè animatorum perversa molimina, volentium doctrinæ illius veritati stuprum inferre, ac ejus puritatem violare. Certè si quis paulò accuratius mentem huc converterit ac penitus consideraverit, quot fuerint hostes potentissimi ac infensissimi, qui ferrò ac flammâ hanc doctrinam Scripturæ excisam ac deletam voluerunt, quot Antiochi (intellige tales qualis fuit Epiphanes) quot Diocletiani, edictò præcipientes ut libri Bibliorum Christianorum delerentur; nihilominus tamen quàm sedulò, per providam certè Dei curam, conservata fuerit hæc doctrina, mirari satis nequit doctrinæ hujus excellentiam ac majestatem, quæ tam facta tamque tecta semper manserit; cum alii libri, qui magni habitus semper sunt ab hominibus, nec ullò hostium impetu fuerunt impetiti, a temporum injuriâ haud asseri potuerint, sed penitus ac in totum deleti perierint: neque unquam verendum est, quicquid agat mundus, quicquid hostes conjurati istius doctrinæ, quicquid molitur Diabolus ejusque pulcherrima proles, non verendum inquam quod hæc doctrina tollatur ex mundo fidelium; quin imò ultimis temporibus testabitur contra ejusmodi hostes, eosque inexcusabiles reddet. Præterea & illud egregiè in nostram doctrinam Scripturæ quadrat, quod plurimi populi, nationes plurimæ, plurimæve gentes consenserunt in receptionem illius doctrinæ; (uti hoc nulli non est notum) quæ licet ritibus, opinionibus, cultu, linguâ ac studio, sedibus a se invicem differrent; nihilominus tamen hanc doctrinam tanquàm pretiosum divinæ veritatis thesaurum late lubentesque exceperunt, illamque pro religionis cultus-

que divini norma ac regula habent. Neque credibile est, Deum, si genus humanum curret, si sui suarumque perfectionum veros amatores amet, si denique in iis, qui ipsum diligentissime quærunt, delicietur, & se suaque ipsis fruendum det, permisisse potuisse atque permittere voluisse, ut tanta hominum multitudo, quæ Deum, ut summum bonum, cuius fruitione vult perfici, summò ac enixò studio quærat, mendacibus figmentis humani cerebri deciperetur, alias Deus de se (absit blasphemia) falsum testaretur: se scilicet velle quærì & fruendum dare homini, sed nolle a quærentibus inveniri, & frui ipsò volentibus falsâ imagine illudere, quæ in Deum nullò modò cadere possunt. Si quis verò hîc insurgat, & dicere audeat, quod æquè facile sit multis in errore aliquò consentire, quàm paucis, proindeque inde minùs accuratè probari Divinitatem illius doctrinæ, quod scilicet eam plurimæ gentes receperint; reponemus confestim illi, quod quamvis id possit fieri, quod *sex* æquè facile consentiant atque *tres* in errore aliquo (licet id quoque non est universalitèr verum) præsertim si eorum mens sit paritèr averfa a veritatis amore ac studio; paritèr præjudiciis ac concupiscentiis oblecta, fieri tamen id posse haud puto, quod innumera multitudo, cuius pars potior amore veritatis ac studio flagrat, zelò atque timore Dei fervet, quæque in eo est ut exactissimè possit conformare sua cogitata, dicta ac facta normæ veritatis, atque adeò Deum glorificet Spiritu & corpore, ut inquam talis multitudo consentiat in errorem, atque in receptionem figmenti cerebri humani; quia si id fieret, tùm sequeretur nolle Deum eos, qui dediti sunt atque devoti studio veritatis ac cognitioni veræ veri Dei, pervenire ad cognitionem veritatis, quò nihil est absurdus; siquidem Deus se ipsis cognoscendum præbet non tantùm, verùm etiam eos in ea radicat ac confirmat. *Cæterùm* hoc etiam commune est illi doctrinæ, quod eam veritatem quam

ape-

aperit, admiranda atque stupenda martyrum *copia* suo sanguine confirmaverit. Etenim si paulisper exspatiabimur in theatrum martyrum, plurima inveniemus millia, vel dicam infinitas myriadas, quæ cæ læ sunt causâ hujus veritatis. Quis quæso dicet, quot millia Christianorum vitâ privata sint, quot ferarum tergis contexta laniatu canum perierint, quot crucibus affixi, inflammati, atque in usum nocturni luminis, ubi defecisset dies, adhibiti sint saltem sub primo acerrimô illô Christianorum persecutore, *Nerone* nempe Imper. Rom. 6. qui primus ex Imperatoribus gentilibus Romæ, olim metropoli Italiæ bellicosissima, imperii sede, edictum publicavit de Christianis e medio tollendis. *Quisquis Christianum se esse confitetur, is tanquam humani generis convictus hostis, sine ulteriore sui defensione capite plectatur?* quot denique crudelitatem *Flavii Domitiani* Imper. Rom. 12: senserunt cuius imperii initia equidem fuerunt mitia, sed qui postea factus est malus? quot ubique locorum, sine ullo discrimine sexûs aut ætatis, nomen Christi verè profitentium, ad laniatum bestiarum rapti ac interfecti sunt, sub *Ulpio Trajano* 14. Imper. Rom. Quot omni suppliciorum genere afflicti sub *Antonino Pio* 17. Imper. Rom.? quot miserrimè perempti sub *Septimo Severo* *Pertinace* 21. Imper.? quot gravissimos cruciatus perpeffi sub *Maximino Thrace* 26. Imper.? Quot sub *Decio* 31. Imper. domibus privati, patrimoniô spoliati, catenis pressi, crateribus inclusi, bestiis objecti, ignibus puniti? quot in calcariam fornacem præcipites dati sub *Licinio Valeriano* 33. Imper. Rom.? quot martyrii gloriâ coronati sub *Valeriano Aureliano* 36. Imper. 2 quot centeni Christiani ad horrenda supplicia rapti sub *Diocletiano* & *Valerio Maximiano* 40. & 41. Imper. Rom. Quis ergò in animum inducat, ut credat hos (de quibus mox verba fecimus) & his plurimos similes, talia ferre non reculasse, pro eo quod habuerunt tanquam falsum & incertum, cujus-

que

que auctor Diabolus malusve aliquis Spiritus & non Deus extitisset? Id certè velle credere itemque aliis persuadere, est ingentis vesaniæ ac imprudentiæ signum; siquidem novimus omnes ex æquo homines naturaliter esse φιλοψύχως καὶ φιλάυτους *se & vitam suam diligere*, atque adeò nihil ipsis vitâ charius esse, nihil cuius curâ magis sollicitos teneret eos vitæ hujus jucundâ usurâ, pro qua prompti atque parati sunt homines cuncta bona amittere, divitias, fortunas non solum, verùm ne omnia quidem membra æquè chara habent, quin velint unius jacturâ alterius potioris redimere incolumitatem; quantò libentius & lætius dabunt omnia quæ habent extra corpus suum pro vita: uti id videre est, Job. 2: 4. *Pellem pro pelle, & quicquid est viro, daturus est pro anima sua* h. e. vita. Ex dictis itaque tutò concludimus, quod cùm tot myriades omnis sexûs, ætatis, conditionis pro defensione doctrinæ in Scriptura contentæ sanguinem fuderint, oportebat illas probè persuasas esse de divinitate illius doctrinæ, (quin verò fuerint persuasæ nequaquam dubitamus,) aliàs enim tam lubentes oppetere mortem (ob rationes suprâ dictas) haud potuissent, idque tantò tutius, quod videamus non solum illos, qui eam doctrinam ab Apostolis ipsis hauserunt, talem mortem perpeßos fuisse; verùm & ipsos Apostolos, qui acti a Spiritu Sancto fuerunt Amanuentes illius doctrinæ, quales fuere Paulus, Petrus, Joannes, Jacobus minor Alphæi filius &c.

s. LV. Cùm hætenus in eo occupati fuerimus, ut demonstraremus illas notas, illa κειμήλια, illaque argumenta, quæ pro divinitate alicujus verbi (quæ prolixè in prima parte Dissertationis recensuimus) militare possunt, elegantè ac venustè doctrinæ illi, quam Scriptura pandit, convenire, (uti hoc etiam hac parte copiosè visum est) adeò ut apta sit illa doctrina omnium hominum conscientiiis se commendare, atque ceu lux quædam ultrò mentibus illorum se se ingerere,

rere, proindeque ad sui humile obsequium at promptam receptionem, diligens scrutinium, seriam meditationem, cunctos cogere. Superest ergo ut concludamus doctrinam in Scripturis contentam esse divinam, atque adeo Deum unice habere auctorem, nullique præter eum vel homini, vel Spiritui atque genio malo adscribi posse. Non huic; quia tantum abest ut hic Dei gloriam studiosè quærat, eum æstimet, celebret, laudet, honoret, atque adeo ea agat, quæ ad regnum Dei promovendum in hac terra, fideliumque in eo salutem ac ædificationem, spectant; quin potius Deum omnibus suis cogitatis, dictis ac factis turpiter blasphemat, nomen ejus calumniis proscindit, illius voluntati adversatur: fideles verò variis technis atque stratagematibus adoritur ac infestat, ut eos in suam nassam possit pertrahere, sicque suam sortem miserissimam ulcisci, quippè qui vocatur *ultor sui*, Plal. 8: 3. Non homini; quia in Scriptura talia mysteria atque dogmata traduntur (de quibus supra) quæ nullâ unquam rationis sagacitate ac industriâ investigari potuissent, proindeque nullus homo dogmata fidei pandere, (hoc est, indicare modum ac viam, quâ peccator ad communionem Dei pervenire quivisset, nec non modum quô Deus decentè ac convenientè suis perfectionibus peccata remittere, peccatorem justificare & possit, & velit, eumque eam ob causam ad beatam sui communionem admittere, seque ei æternum fruendum dare) siquidem altioris longè indaginis sunt ea, quàm ut cadere queant sub conceptum hominis, nisi ubi revelata sunt, & non antea. Hinc jam ultrò sequitur, quod is, qui Scripturam Sacram atque doctrinam in ea contentam recipit, eamque legit, meditatur ac scrutatur, possit esse certus, se verbum Dei legere, recipere, meditari ac scrutari, non autem commenta hominum; siquidem in illa talia attentus lector deprehendit, quæ tùm Deum decent, tùm perfectionibus ejus conveniunt, tùm denique nostræ ad

G

Deum

Deum relationi sunt consentanea, adeò ut tùm demùm nos satisficiamus nostro officio, quandò vias Dei h. e. ejus *moli-
mina, consilia, opera &c.* ex illa doctrina scrutamur, nos-
que magis ac magis omnesque nostras actiones ritè confor-
mamus voluntati ejus, quæ; quia plenissimè ex scriptura
cognosci potest, ea adeunda est, ea scrutanda, noctes atque
dies meditanda, aurò septies detœcatò pluris æstimanda,
omnibus divitiis Ægyptiorum præferenda, ea pro castis at-
que unicis deliciis habenda; quandoquidem ex ea erudiri
possumus de salute animæ nostræ, ex ea nectar illud æternæ
vitæ depromere, (Christi nempe meritum) quò animæ fide-
lium potatæ æternæ felicitatis consortes ac hæredes fiunt.

§. LVI. Nec nos hîc multum morabuntur illi veritatis
irrilores atque lucifugæ homunciones, qui veritati huic (a
nobis hætenus probatæ) officias obducere conantur, ra-
tionesque a nobis allatas elumbes reddere satagunt, cùm
fidem omnem solâ auctoritate dicentis ac testantis veracitate
niti cavillantur, non verò ejusmodi argumentis artificiali-
bus adjuvari. Etsi enim illis id admittamus atque lubentèr fa-
reamur, quod fides nitatur auctoritate testantis, hæud tamen
sequitur inde argumentis non esse locum; siquidem ante-
quam fiat assensus, atque adeò fides testimonio adhibeatur,
debet innoscere illud testimonium ex certis argumentis,
quæ me convincere possunt testimonium illud esse verax, at-
que adeò antequam credam ac assentiar testimonio, debeo
perspectam habere divinitatem testis sive testantis ex certis
argumentis, aliàs credere ipsi non possem, imò nec teneor;
quia ubi non adsunt, idoneæ atquæ sufficientes, alicui cre-
dendi rationes, proptèr quas illi tutò credere possum, talis
testis testimonium non est *ἀξιόμιστον* fide dignum, testimo-
niumque ejusmodi testis nullum est; quia nullum est fun-
damentum, fundamentum autem nullum est; quia nullæ
sunt rationes, & quia nullas habet rationes quibus suum testi-

testimonium stabilire queat, nullam etiam fidem meretur: proculdubio si in re ullâ, hac in re etiam verat illud. *Rem ignotam credere, est nihil credere*: item rem sive dogma aliquod sine prægnantibus ac sufficientibus rationibus recipere, est *domum super arenam instar viri fatui edificare*, in quam *flumina ac venti dum impingunt, cadit illa & casus ejus erit magnus*, Matt. 7: 26, 27. Igitur requiritur tum ut ad sit certa ac vera cognitio & testis, & testimonii, tum ut ad sint certæ rationes, quæ me movere aptæ sint ad assentiendum illi testimonio, atque adeo firmum fundamentum cui super ædificem meam fidem, nec a quovis vento doctrinæ circum agi ac abripi me patiar: tales autem rationes ac talia fundamenta sunt illa argumenta divinitatis Scripturæ, quæ suprà recensuimus, quibus moti certo credimus illam esse divinam.

§. LVII. Illud etiam hîc probè observandum est, scilicet quando nos dicimus notas suprà recensitas appositè ac apprime convenire illi doctrinæ, quam Scriptura pandit, ne nos quis ita sentire putet, ac si statueremus, quod notæ istæ pariter ac æquali gradu fulgeant atque splendeant in omnibus Scripturæ Sacræ libris, vulgo Canonicis dictis: neque quod in qualibet istorum librorum pericopâ aut versiculô occurrant, atque adeo in singulis Scripturæ partibus a toto corpore separatis; verum dicimus, quod, quemadmodum stella ab alia stella luce differt, quanquam omnes in eo conveniant, quod sint stellæ, & quod in cœlo sint, ac proin quælibet propriô gaudeat vortice; haud secus in hoc doctrinæ sacrae cœlo, libri quidam splendidiore atque uberiores divinitatis suæ radios emittunt, alii longè pauciores; siccinè longè vividius ac clariùs radiant istò splendore ac fulgore Evangelistæ & Epistolæ Paulinæ, quàm liber Ruthæ vel Estheræ; nihilominus tamen certum est, in omnibus istis libris Canonicis, ea veritatis ac majestatis sublimioris esse argumenta,

quæ manifestò arguunt libros illos esse divinos, vel saltem nihil in iis observari ac deprehendi potest, quod eorum divinitatem suspectam atque dubiam reddere queat; proindeque ut ea, quæ in iis narrantur non sint verissima, prout ea narrantur sive bona sive mala, sive verum sit sive fallum, in quantum tamen ut historica narrantur sunt vera; quia sunt illa conscripta ex instinctu Spiritûs Sancti: denique dicimus, quòd sufficit si istæ notæ, illaque argumenta divinitatis reperiantur in Scripturis divinis, prout illæ considerantur conjunctim & simul sumptæ, & unum corpus sacræ istius doctrinæ constituunt, habentque mutuam cuncta ad illud relationem.

§. LVIII. Hoc unum ad huc nobis, secundum tenorem ordinis suprâ notati, probandum restat, scilicet, quòd libri Mosis suam habeant divinitatem, idque eò majori cum sollicitudine agendum; quia ipse fuit antesignanus omnium Scriptorum Sacrorum, atque adeò omnia lequioribus temporibus ipsius doctrinæ tanquam basi earum rerum, quæ Deus in Ecclesia sua acturus erat, superstrui debebant, undè fit, ut posterioris ævi Sacri Scriptores passim in suis scriptis testentur, se non solum nihil extrâ Mosen dicere ac docere, sed etiam ubique ad Mosen & legem per illum evulgatam, ceu normam omnis doctrinæ falli & fallere nesciam, suos auditores provocare, atque seriò illis inculcare, ut suam doctrinam, sive ea quæ ab illis audiunt, ad illam legem examinent, cum ea conferant; quapropter probata semel hîc divinitate librorum ac doctrinæ Mosis, mox facilis erit conclusio formatu de divinitate reliquorum scriptorum: ad eam verò probandam haud est operæ pretium, ut omnes istas notas, atque ista argumenta, quæ possunt militare ac excubias agere, pro divinitate alicujus verbi, quæque sunt Scripturæ Sacræ, iterum recenseamus, (id supra præstitimus) & per singula eamus, (licet id posset fieri) sufficiat hîc unum atque

que aliud adduxisse. *Primum* sit, quòd libri Moſis talia præcepta, tales leges nobis exhibent, de Deo, de nobis, de aliis hominibus, de relatione hominis ad Deum & officiis circa ipſum præſtandis, de relatione hominis ad hominem, ad res alias quascunque, deque officiis circa eas præſtendis; ac proin de iis tam ſancta tamque juſta ac æqua, Dei naturæ & perfectionibus, nec non hominis naturæ atque reliquarum rerum exiſtentæ apprimè congrua proponunt, quæ nos firmiter convincunt & quaſi vi aliquâ impellunt, ut illarum originem a Deo non autem ab hominibus repetamus. Quod attinet *Deum*, jubent paſſim ut nos ad animum revocemus & unicè illum agnoſcamus pro Deo vero, Sancto, juſto, miſericorde, longanimi, gratiolo, quippè præter quem *nullus amplius eſt, nullus cum illo Deus*, qui ſit vel verus, vel ſanctus, juſtus, miſericors &c. illum eſſe qui *morte afficere & vitæ reſtituere, frangere & ſanare poteſt, illum eſſe Deum in cælis ſuperne, & in terra inferne*, Deut. 4: 35. & 39. & 32: 39. denique jubent ut ſummoperè illum diligamus ceu ſummum noſtrum bonum, quod nos omnimodò perfectos ac beatos reddere potens eſt, tum quoad animam tum quoad corpus, tum quoad intellectum tum quoad voluntatem, idque faciamus *ex toto corde, ex toto animo, ex omnibus viribus noſtris*, Deut. 6: 5. ipſius majeſtatem, dignitatem ſuſpiciamus, æſtimemus, veneremur, cum debitâ humilitate ambulantes in omnibus viis ejus, eum colamus tanquam Jehovah noſtrum, ipſi ut Domino Dominorum, *fortiſſimo, maximo, potentiſſimo*, ſummèque formidabili humile obſequium præſtemus; proindeque nihil ex noſtro lubitu, nihil ex noſtra voluntate vel ſecundùm eam tanquam unicam verè agendi normam; ſed omnia ex nutu, ac juxtà voluntatem ipſius agamus, ut benè ſit nobis, Deut. 10: 12, 13, & 17. præterea ut ipſum tanquàm unicum noſtrum exemplar omni virium contentione imitemur, ſimus *juſti* uti ipſe *juſtus* eſt,

Sancti quemadmodum ipse *Sanctus* est, hoc est, quemadmodum ipse amat se suasque perfectiones, atque adeò eas ipsò opere, dictis & factis demonstrat, simulque vult ut ex pro talibus agnoscantur quales sunt; ita nos etiam enixè ipsum ipsiusque perfectiones amemus non solum, verum etiam cogitationibus, dictis ac factis nostris eas exprimamus, ac proin eò contendamus ut alii quoque, qui eandem nobiscum habent naturam, ipsum, perfectionesque ipsius ament, celebrent, æstiment, dictis, factisque ad vivum exprimant, uti videre est, Lev. 19: 2. Coll. Cap. 20: 26. item Lev. 11: 44. Quid his sanctius? quid Deo ejusque perfectionibus, & hominis ad Deum relationi convenientius excogitari potest? nihil certè. Quod verò nos & alios homines attinet, æquè sancta, æqua, sunt ista præcepta, quippè quæ jubent, quid nobis sit faciendum circa nos, circa alios homines, eos æquè *amandos esse ac nosmet*, quod tam latè debet accipi, quam latè patent ea, quæ nobis atque aliis hominibus vel prodelle possunt, vel nocere, tum quoad corpus, tum quoad mentem, tum quoad intellectum tum quoad voluntatem (quæ hîc prolixè nunc recensere nolumus) videantur in hanc rem, Lev. 19. versus 13, 14, 15, 17, 18. item versus ibid. 32, 33, 34. Cæterum quod attinet res alias quascunque, passim jubent, ut illis ritè utamur, tanquàm operibus Dei, adeò ut illis utentes possimus fieri sancti quemadmodum Deus Sanctus, justi quemadmodum Deus justus, hoc est, omnibus illis ita utamur, ut idonei simus ad laudes atque perfectiones Dei celebrandas, æstimandas, atque adeò ad id omne tribuendum ac dandum Deo quod Dei est, rebus aliis quod earum est, hominibus quod hominum est. His ita præmissis jam tutò concludere licet, scilicet cum talia Sancta, æqua, justa, Deum & ejus perfectiones decentia præcepta pandant nobis libri Moïsi, & illa non possint hominem habere auctorem; siquidem id excedit vires ejus non tantum, verum etiam quia

quia ille invenit istam relationem hominum ad Deum, rerumque aliarum ad se, liquidò sequitur librorum Mosis auctorem primum, ac principem causam esse Deum, atque adeò divinos esse.

S. LIX. *Alterum* fit, quòd libri Mosis talia dogmata pandunt, quorum sublimitatem mens humana quamvis sapientissima mirari, puritatem debitè aestimare, sapientiam suspicere, decentiam stupere, satis superque nequit; quibus tamen conscientia hominis suum testimonium non denegat, verùm ea exosculatur, iisque assensum præbet: quippè quæ deprehendit omnibus numeris divinæ excellentiæ ejusque perfectionibus apprimè convenire: utique magnificum & augustum dogma est (ut alia omitam, atque taceam fœdus Dei cum Noacho, cum Abrahamo patre omnium credentium &c. inirum, & alia id genus dogmata, de Sacro S. Trinitate, de Christi incarnatione, passione, morte &c. ipsis, & aliis fidelibus proposita, quæ talè exponuntur a Mose) fœdus illud gratiæ, cum Israëlè ad montem Sinai a Deo pactum, quò Deus quasi viscera sua pandens, exponit animum suum atque indolem, (si fas sit ita loqui) quâ indole ducatur erga Israëlè, quando promittit se futurum ipsis in Deum, imò se esse jam *Jehovam* ipsorum, h. e. illum, qui asserturus est illos ex omni malo, tam corporali quam spiritali, quique futurus esset ipso actû ac opere illorum redemptor, sanctificator, regenerator, justificator, glorificator, verbò qui ipsos per viam ab ipso paratam introduceret in cœlestem illam beatitatem, ubi ipso sine fine jucundè fruerentur, Exod. 20: 2. Illud autem fœdus, fuisse fœdus gratiæ omnis mecum agnoscet, modò accurate consideret tum auctorem illius fœderis, Filium Dei, Act. 7: 38. tum eos quibuscum hoc fœdus percussit Deus, cum miseris & vita indignis peccatoribus, Israëlitis nempe, qui se crebris adversus Deum murmuribus non solum, verùm etiam

etiam nativâ corruptione reos ac damnabiles fecerunt: tûm denique verba, quibus Deus eos alloquitur, tûm insupèr hoc, quòd illi fuerint filii Abrahami, cum quo olim Deus fœdus gratiæ pepigerat, atque adeò fieri non poterat, ut diversum fœdus cum filiis ipsius pangeret Deus; siquidem ejusdem boni constituerentur hæredes, vel ut clariùs dicam ad idem bonum hæreditandum vocarentur: *dogma* verò ceremoniarum, quod attinet, quas Deus ex beneplacito suo populo Israël imposuit, illud quoque tale est, ut ingentem divinæ sapientiæ thesaurum aperire nobis queat, si ejus finis ultimus atque terminus ad quem collimat, probè consideretur: scilicèt omnibus illis ceremoniis sapientissimus atque prudentissimus Deus, ceu totidem picturis ac liniamentis, voluit depingere Christum cum suis beneficiis Ecclesiæ suæ olim præstandis, omniaque bona per Spiritum suum populo suo peculiari conferenda novissimò tempore, sive in fine dierum, atque adeò lætiora illa dona Spiritûs Sancti, quæ Ecclesiæ N. T. impertiturus erat; uti hoc quivis accuratiùs illarum ceremoniarum scrutiniò vacans animadvertere facillè potest.

§ LX. *Caterùm* hoc etiam plurimùm militat pro divinitate librorum Mosis, scilicèt, quòd illi tales contineant Prophetias, quæ agunt de rebus longè post vitam Mosis futuris non tantùm, verùm etiam de rebus liberis & contingentibus, earumque omnes circumstantias tam accuratè determinant, ut nihil in iis sit futurum, quod non sit prædictum, & non alitèr sint futura quàm prædicta sunt, nec aliò tempore, hoc est, seriùs aut citiùs, quàm quod prædictum est; quas procul omni dubiò nullus mortalium potest prædisere, nullus nosse, nisi Deus qui solus habet tantam scientiam, sapientiam, tantamque potentiam, ut & futura prædicere queat, & simul ea tempore suò facere: uti hoc *καὶ ἡ γλῶσση, hanc gloriam*, Deus sibi soli vindicat, Esa. 46: 9, 10.

inquit

Ego

Ego sum fortis, & nullus præter me, ego indico a principio finem, & ab antiquitate, quæ nondum facta sunt. Quisquis tales Prophetias cernere cupit in libris Moſis, omiſſis iis, quæ ſonant de multiplicatione ſeminis Abrahami, deque Schilo pacificatore illo, (Chriſto nempe) ex tribu Juda orituro, nec non de ſtella ex Jacobo oriundâ, (quæ eſt idem Chriſtus) ac proinde de Propheta illo, quem ſulciturus erat Jehova in locum Moſis ſervi ſui fidelis in tota domo ejus, quique locuturus erat verba Dei; rogo ut adeat ultima iſta Capita librorum Moſis, Deut. 30: & 32. & 33. in quibus magnam atque amœnam certè illuſtriſſimarum Prophetiarum ſylvam reperiet, quæ fata populo Iſraëlitico, ultimis temporibus ſive in fine dierum, hoc eſt N. T. eventura, clariffimè ac uberrimè depingunt: quomodò nempe Iſraël ſit deſecturus a Jehova Deo ſuo, atque adeò rejecturus rupem ſalutis, (Chriſtum nempe, in carne venturum, cujus adventûs ſigna luculentiffimè pandunt) eamque ob rationem quomodò Deus ipſum rejecturus, terrâ ſuâ, (terrâ Canaan) expulſurus, inter gentes diſperſurus, gentes autem in locum illorum aſſumturus, easque nomen Chriſto daturas, unicèque per ipſum ſalutem expectaturas: ſed & illos ruſſum noviffimò tempore (h. e. quando omnia regna erunt Dei) aſſumturus, ad ſœdus ſuum, ad communionem ſuam, & facturus, ut convertant ſe ad *bonitatem Jehova*, & quærant *Regem ſuum David*, Chriſtum ſcilicet, qui reſturus eſt illos cum pace & tranquillitate. Quas Prophetias prædicere cùm nullus mortalium quiverit, niſi is, cui nota ſunt omnia ab ævo opera, quique novit quid eventurum ſit ultimis temporibus: manifeſtò indè colligimus, libros Moſis, quia tales continent Prophetias, Deum habere auctorem, adeoque divinos eſſe.

§. LXI. *Demum.* Haud elumbe divinitatis librorum Moſis (ut alia, quæ de miraculis pereximiis, deque modo tra-

H

den-

dendi, hinc dici possent, missa faciamus) argumentum est illud quoque; scilicet, quod omnis religio & fides, nec non vera via ad vitam æternam in illis tradatur; siquidem Moyses hoc illustri elogio ac encomio commendatus est Ecclesiæ, quod fuerit *servus Dei fidelis in tota domo eius*, Num. 12: 7. coll. Heb. 3: 2. at verò isthoc elogiò insigniri haud potuisset, nisi omnibus fidelibus, quicunque tandem futuri essent, & quocunque tempore, qui ad interiora domus Dei lustranda admittuntur, viam monstrasset planam ad vitam æternam obtinendam, viam, quam omnes rectò pede prementes possent censerì domestici ac familiares illius domus: cum autem domus Dei decora sint non tantum Judæi, atque adeò non solum illi constituent domum istam totam, qui sunt secundum carnem ex patre Abraham; sed etiam gentes, quæ premunt vestigia fidelis Abrahami, liquidò indè sequitur Moysen fuisse fidelem servum non solum illius domus Dei, quæ constituebatur ex Judæis, verum etiam illius, quam constituere debebant gentes: undè etiam Apostoli gentium ministri, similiter fideles in domo Dei servi, nihil extrà Moysen voluerunt dicere, Act. 26: 22. „Regula igitur & Canon „falli ac fallere nescius, omnis Prophetiæ & doctrinæ post „tempora Moysis prædicandæ, Moyses est, hoc est, doctrina „per ipsum promulgata, adeò ut, quicunque in nomine Dei „veniret ad populum Israëliticum quioquam locuturus ac „prophetaturus, eum oporteret ea dicere, quæ Moyses dicta „illustrarent & confirmarent, neutiquam verò illis vel de „rogarent vel superadderent, Deut. 4: 5. Hinc & Christus ad testimonium Moysis, tanquam *Parris sui* verbum de se, provocat, Joh. 5: 37. 39. 45. arguitque Judæos sibi non credentes, quod nec Moysi, quò tanquam pereximiò Prophetâ aliàs gloriabantur, credant. Vers. 46, 47. Ex quibus omnibus patet, debitam in esse divinitatem libris Moysis, adeò ut, qui eam detractam volunt illis, sint injurii in doctrinam in
illis

illis contentam non solum, verum etiam in testimonium Apostolorum & Christi Domini, qui passim istam doctrinam approbârunt, ad eamque tanquam lydium lapidem omnis doctrinæ suos auditores remiserunt.

S. LXII. Hisce ita probè observatis, reliquum adhuc est, antequam oratio nostra attingat tranquillum portum, ut paucis occurramus erroribus eorum, qui huic veritati offuscias obducere nituntur, atque adeò qualibuscunque argutiis suis divinitatem librorum Mosis labefactare atque elumbem reddere student. Omnia verò illorum (ut breviter rem absolvamus) hominum ratiocinia atque argutiæ, adhæc summam Capita revocari possunt: scilicet, ut vel negent impudenter Mosen unquam extitisse, vel si extiterit eum fuisse insignem impostorem, vel quòd populus ille rudis ac novitate rerum perculsus ac allectus consenserit in istud mendacium, vel denique quòd alius scripserit illos libros, si non omnes saltem aliquos ex illis, non verò Moses; atque adeò post tempora ipsius fuisse obtrusos populo illi. Ad singula ut paucis aliquid dicamus operæ pretium est. *Quod ad prius*, de eo dubitare utrùm Moses extiterit nec ne, æquè stultum ac vesanum est, quàm stultum est in dubium vocare Julium Cæsarem aliquando vixisse, ac Romanorum Imperatorem fuisse; siquidem id secundum unanimes ac constantem relationem historicorum fide dignorum, constantè a numerosa multitudo creditum est; & sanè nulla est causa, cur de eo nimio perè dubitemus, nisi velimus omnem certitudinem historiæ ejurare, omnemque fidem illi præfractè denegare; quod si faciemus, eadem operâ negare possumus unquam extitisse Constantinum Magnum, illum fuisse Imperatorem tum Christianum, tum in Christianos benè animatum: unquam extitisse Ciceronem, Hesiodum, Diodorum Siculum, scriptaque illa, quæ sub nomine illorum hodie apud nos circumferuntur, non esse scripta illorum. Proculdubio

H 2

si ita

si ita rem instituerimus, omnia in pura puta mendacia, in
 nugas ac fabulas aniles convertentur, & nullus erit locus
 certitudini inter homines, atque adeò res humanas; sed hoc
 solum erit certum; *Omnia esse incerta* (uti olim Sceptici di-
 cebant) & *nihil esse certi*. Itaque cum hoc ne de ipsis qui-
 dem scriptis humanis apprimè ac cum verisimilitudine dici
 potest; multò minùs certè hoc de Mose ejusque scriptis,
ceu servi Dei fidelis in tota domo eius, dicendum est; quia
 si unquam liber aliquis ob rationes prægnantes ac fonticas
 potuisset ab aliquo populo aboleri ac vulcano dari, po-
 tuisset certè hic a Judæis; siquidem sic a legis durissimo jugo
 se liberassent, nihilominus tamen vix ullus, imò ne vix qui-
 dem, majori cum studiò ac puriori zelò ab iis exceptus &
 conservatus est adhunc usque diem, quàm liber Mosis.
 Quod ad *secundum*, *Mosen fuisse insignem impostorem*, qui
 variè atque artificiose consutis hinc inde fabulis populo
 Israëlítico imposuerit, nullà cum veri certè specie dicitur;
 quia quicquid Moses fecit, id non in angulo (ut impostores
 solent) aut in occulto ab omni hominum consortio remoto
 fecit; sed publicè coram ingenti multitudine ac populi totius
 concione, coram Sole. Etenim quæ dicuntur de educatione
 populi ex Ægypto, de peregrinatione illius in deserto, 40.
 annorum temporis spatium complectente, de cibatione facta
 pane cœlesti, Manna nempe, de potatione ex petra, & de
 aliis similibus, ea talia sunt, ut in illis impostura non ha-
 buerit locum; quia illa facta sunt præsentibus ac videntibus
 ipsis Israëlitis. Si autem quis eò delabatur, ut dicat ibi loci
 fuisse magnam copiam Mannæ, coturnicum, fontesque plu-
 rimos obturatos, qui tunc aperti sunt, & fuisse tunc re-
 fluxum maris rubri; ipsi reponemus, quòd non tantùm illa
 facta sunt a Mose, atque adeò hæc quædam esse ex istis mi-
 raculis; sed denique si ibi loci (ut illi ajunt) fuisset copia
 Mannæ, fontes aperti &c. quomodo hoc non potuissent alii
 quo-

quoque præter Mosen scire? & an putamus populum Ægyptium tam stultum tamque incircumspectum fuisse, qui non observaret refluxum maris? denique quia talis impostura, ac tale mendacium quale ipsi impingunt Mosi fallò, nequaquam potest consistere cum elogio illo perillustri, quò Deus commendat ipsum Ecclesiæ, quòd fuerit servus fidelis in tota domo ejus, Num. 12: 7. nisi velimus dicere Deum subtilia talia mendacia approbare, quod sanè dicere est injurium esse in Deum, ac reum læsæ Majestatis divinæ; siquidem Deus eò se nomine commendat, quòd sit verax & fons omnis veritatis, proindeque nil, nisi id quod verum est testari ac approbare potest: præterea quia cum instituto Mosi hoc planè adversà fronte pugnat, qui θεοκρατίαν divinum regimen voluit erigere inter istum populum, atque adeò unicè ad timorem & glorificationem Dei, ad leges & præcepta ejus diligentèr observanda adducere, uti hoc passim in libris ipsius videre est: demùm quia Christus, & Apostoli, fidi certè ipsius Discipuli, non solum nos sæpissimè relegant ad audiendum Mosen, verùm etiam testantur se nihil extra Mosen dicere, Act. 26: 22. at verò Apostoli, multò minùs Christus, id fecissent unquam, si Mosen tam insignem impostorem atque callidum nugatorem deprehendissent fuisse: aliàs enim ejusdem imposturæ nomine infames fuissent illi quoque, quod de Christo, & de Apostolis ipsius Discipulis dicere, vetat nos pietas & reverentia illis debita. Ex jam dictis manifestè sequitur Mosen non fuisse impostorem, sed fidelem servum Dei in tota domo ejus.

s. LXIII. Quod ad tertium. Populum illum rudem ac novitate rerum abreptum, consensisse in fraudem ac imposturam illam pernegamus; tùm quia nullà cum specie veri concipi potest, nullum repertum fuisse in numeroso isthoc populo, qui aliquà religione, aliquò amore veritatis non fuisset impeditus, quominùs conspiret in tales fraudes ac imposturas

nefandas: tùm quia fuerunt homines rationales, proindeque
 quicquid fecerunt, proculdubio fecerunt ob certas causas,
 ob certumque finem; non verò propterea ut a posteris suis
 derideantur, simulque ab aliis, ad quos res illæ deventuræ
 erant; quin potius ut apud eos nomen, memoria, ac decus
 eorum celebraretur, laudaretur, debitæque æstimaretur; at
 verò hoc fieri non posset si in tam tetros errores consensissent;
 tùm quia si id fecissent, fecissent extra omne dubium spe lucri
 alicujus, vel gloriæ, vel laudis: lucrum autem tale nullibi
 extat ipsis propositum, verùm ubique dira judicia, pœnæ gra-
 vissimæ illis denunciantur ac intentantur; ac proin tantum
 „abest ut ex facto illo gloriam ac laudem apud exterarum gentes
 „conciliarent, ut contrà odium & contemptum omnium
 „merito in se accerferent: quis enim dixerit ad decus gentis
 „pertinuisse, ut eorum murmura & peccata toti mundo at-
 „que oculis hominum exponerentur, ut arguerentur tan-
 „quam *σκληροτράχηλοι* dura cervicis & ingratis mortu-
 „lium, ut pœnæ severissimæ quibus Deus eorum pervicaciam
 „& rebellionem ultus erat, non semel recenserentur, imò
 „quis non videat hæc in æternum gentis illius probum ce-
 „dere? tùm quia leges accepit ille populus duras, suis
 concupiscentiis, pravitatibus, adversâ fronte pugnantes,
 quarum observationi continuò vacare debebant, ut ne quid
 polluti, impuri, & alia id genus tangerent: aliàs enim ul-
 tricem Dei manum ferre debuissent; sed non solum hoc, ve-
 rùm etiam aliis gentibus ridiculæ fuissent istæ leges, isti ritus,
 quibus ferendis se ille populus submitit, nisi habuissent spi-
 ritualem *δύλωπν*, quam mentis oculis intuentes alacriori ac
 libentiori animò exequerentur istarum legum jussa. Unò
 verbò; ergò nulla causa est, cur populus iste dicatur consen-
 sisse in talem imposturam ac fraudem, qualem illi scioli ho-
 munciones, vel potius irrisores veritatis, fidei servo Dei Mosi
 falso inurant. Quod ad *ultimum*. Non potuit talis liber ab
 alio

alio scribi, ac post tempora Moſis illi populo obtrudi;
 (uti ſomniant; *Spinoza*, qui auctorem librorum illorum
 Ezram ſuſpicatur fuiſſe; *Richardus Simonius*, qui ſtatuit libros
 illos eſſe compilatos ex ſcribarum iſtorum commentariis &
 voluminibus, qui acta reipublicæ Iſraelis diligenter deſcri-
 pſerant, ex juiſſu Moſis; *Johannes Clericus*, qui adſcribit iſtos
 libros illi ſacerdoti Iſraelitico, qui ex juiſſu regis Aſſyriæ
 miſſus, ut novos Palæſtinæ incolæ edoceret ritum, quò re-
 gionis iſtius Deus amabat coli, 2 Reg. 17: 27.) ob ſequentes
 rationes; quia tota religionis Judæicæ auctoritas reſolvitur
 in Moſen, proindeque non poteſt cogitari aliud tempus,
 tempore Moſis, quò inceperit religio iſta: denique quia illa,
 eodem iſto tempore caperunt obtinere ac in uſu eſſe ſingu-
 lis diebus, quæ dicuntur, de obſervatione temporum, die-
 rum, feſtorum, de ſacrificiis, lotionibus &c. quod fieri
 nequaquam potuiſſet, ſi poſt tempora Moſis id factum fuiſ-
 ſet: porro quia ab illo eodemque tempore, a tempore nem-
 pe Moſis, obtinuerunt certa quædam monumenta, in iſt-
 hoc populo, qualia fuerunt Paſcha, arca &c. præterea quia
 non poterat illa doctrina à populo tam immorigero recipi,
 niſi talia miracula facta fuiſſent a Moſe; ſiquidem Moſes
 non habuit talem inter eos auctoritatem, ob quam recipe-
 rent illam doctrinam. Caterùm quia cavit hoc Moſes, Deut.
 4. 2. ne illis omnibus, quæ ab ipſo dicta ſunt & ſcripta ali-
 quid adderetur, unde etiam cum in finem voluit jugiter li-
 bros illos legi, expendi, meditari; fieri ergò non potuit ut
 novus ſit ille liber, ab alio poſt tempora ipſius ſcriptus at-
 que populo obtruſus: inſupèr quia quædam miracula ab
 iſthoc tempore fuerunt perpetua in populo illo ex. gr. *Lepra*
adium, *exploratio adulteræ conjugis*, *Urim & Thummim*
 &c. Accedit & hoc, quod illi, qui omnium iſtorum ma-
 gnificorum operum contemplatores fuerunt, non ſolùm
 reſtes vocentur ac nuncupentur: verùm etiam obligentur ad
 hoc

hoc, ut posteris suis illa acutè ingerant, illis narrent, quàm magnifica ac illustria facinora Deus præstiterit in gratiam illorum; at verò hoc narrare nequaquam potuissent, si post ista tempore ea ipsis obtrusa fuissent. Sed quid ego hoc rationibus confirmare pluribus laboro? cùm sola Domini *Jesu auctoritas*, atque Apostolorum, Evangelistarumque constans de eo testimonium omni exceptione majus, huic liti dirimendæ sufficiat. Christus Mosi Icriptionem librorum, qui sub nomine ejus noti sunt, non semel attribuit (uti id supra quoque visum est) Joh. 5. 46. 47. Luc. 24. 27. 44. Pereximium illud Evangelistæ in hanc rem testimonium, Mar. 12: 19. ubi Marcus narrat, venisse ad Dominum Jesum Sadducæos, dicentes. *Præceptor, Moses scripsit nobis*, ut si *cujus pater mortuus sit*. &c. undè palam est, libros Mosi non ab alio aliquo auctore, sed ipso Mose scriptos esse, proinde illa quæ ab ipso narrantur ab initio ita facta esse, siquidem talia nunquam facta sunt non tantum: verum etiam nullus in mundo existit, qui similia istis magnificis operibus, multo minùs talia miracula finxisset, si verò imitabilia illa essent, utique exstitisset aliquis, qui talia finxisset.

§. LXIV. Ut verò hîc illud verbò addamus, ex jam dictis suâ luce manifestum est, quid de reliquorum Prophetarum tanquàm legitimorum successorum Mosi, hosque mox sequentium Evangelistarum, Apostolorum, librorum divinitate sit judicandum, proculdubiò idem quod de libris Mosi; siquidem de similibus idem est judicium, & quia talem doctrinam unanimiter illi omnes pandunt, quæ conformis est omnibus numeris doctrinæ Mosi, quemadmodum id fieri oportebat, secundum verba Mosi, fidelis servi Dei in tota domo ejus, quæ sic sonant, Deut. 13. vers. 1. & sequentibus. *Quum surgens in medio tui, Propheta aut somnians somnium* &c. In toto hoc capite Moles instruit auditores suos, atque jubet, ut circumspècti sint in aliquo Propheta recipiendo vel
repu-

repudiando, & ne quosvis absque discrimine, se se mentientes Prophetas esse, recipiant: verum eos qui ab observatione istorum præceptorum, quæ per ipsum data sunt, ac proin a cultu illius Jehovæ veri ac summi Dei, quem ipse illis manifestaverat, non abducerent, sed in omnibus iis consentanea docerent, atque jugiter ea inculcarent ac ingeminarent: uti hoc videtur colligi posse tum ex toto isthoc capite, tum imprimis ex vers. ultimo illius capitis: sed denique quia argumenta, quæ supra, tum ad divinitatem Scripturæ sacræ in communi probandam, tum speciatim ad divinitatem librorum Mosis stabiliendam, adduximus, æquè militant pro divinitate reliquorum librorum tum Prophetarum, tum Evangelistarum, tum Apostolorum (quæ hîc prolixè repetere non est operæ pretium) sive Præcepta, sive Dogmata, sive Prophetiæ &c. considerentur. Nihil igitur nunc restare (quanquam multa alia potuissent occasione hujus materiæ dici) putamus, nisi, ut insigni quadam *versetisq; admonitione* claudamus nostram orationem. Observandum itaque ac memori mente tenendum, si qua (verba sunt cujusdam b. m. Viri) nobis de Sacræ Scripturæ divinitate oriatur dubitatio, ut solet Satanæ inter ignita sua tela & hoc vibrare, non tam dandam esse operam (quamvis nec illa negligenda est, si rationabiles volumus audiri) conquirendis plurimis rationibus, ad eam compescendam, quam animum applicandum divinæ faciendæ voluntati & prosequendæ virtuti, & compescendis vagis concupiscentiis: deinde non cessandum a lectione, imprimis Psalmorum & Epistolarum Apostolicarum; adhæc sedulo atque ardentè precandum, ut Spiritus sanctus velit corda nostra rectè afficere: imprimis verò sacra Scriptura in deliciis summis, reverentè ut decet habenda est. Quare ea 1. Nocturnâ versanda diurnâque manu, Psal. 1. 2. eumque putandum periisse diem, quò eam non degustaverimus & fructum aliquem ex ea reporta-

verimus. 2. Legenda autem singulari cum animi affectu, non oscitantèr, neque etiam arrogantèr. 3. In magna felicitatis parte reponendum est, si in illa profecerimus: non enim parum est Deum intelligere, imprimis de tantis rebus loquentem, quantas Scriptura sacra nobis pandit. 4. Præterea omni receptione dignum judicemus quicquid ex ea didicerimus, non tergiversantes, non cum carne & sanguine delibantes, multò minùs corda obdurantes. 5. Denique studeamus quam maximè veritatem ejus reddere veram in nobis, ut nos ipsimet habeamus verum ejus experimentum, vèvumque siamus exemplum. Ita perveniemus ad eam felicitatem, ut יהוה יהוה *arcanum Jehovah* Plal. 25: 14. sit apud nos, & familiari illò Dei fruamur alloquiò & confortiò, quod nobis erit cœlestis gloriæ infallibile præludium, quâ nos mactabit, cùm venerit ut glorificetur in sanctis suis, & admirandus fiat in credentibus omnibus. Cui.

Μόνω, δόξα καὶ μεγαλουργία, καὶ ἐξουσία,
καὶ νῦν καὶ εἰς πάντας τῆς αἰῶνας. Ἀμήν.

COROLLARIA.

1. *F*ormatio Evæ ex costa somnò sopiti Adami, insignis est typus, ex sanguine Christi mortui nascentis Ecclesiæ.
2. Arbor scientiæ boni & mali fuit Sacramentum h. e. signum rei alterius.
3. Probè excussâ emphasi illorum prædicatorum, quæ (Psal. 110. coll. Hebr. 7.) de Melchisede-

co

- coprædicantur, non possumus in castra eorum descendere, qui Gen. 14. per Meschisedecum intelligunt merum hominem, atque adeo Regulum aliquem.
4. Gen. 15. 5, Particulam כה præter communem ac vulgarem significationem, existimamus commodè admittere posse hunc etiam sensum, quòd scil. eà idigitetur, Abraamum ibi etiam, h. e. in cælo habere semen, Christum nempe, qui ex semine ipsius assumpturus esset carnem: tùm denique quòd isthic h. e. in cælo sit vera hæreditas seposita veris Abraami filiis.
5. Una omni ætate Ecclesiæ fuit via salutis, Christus nempe, proindeque per eundem salvati sunt olim Patres, tùm sub promissione tùm sub V. Testamento.
6. Conflatio vituli aurei a populo Israël facta, non fuit primaria ac præcipua causa impositionis jugi illius portatu difficilis, quò per omne vitæ tempus luctabantur Israëlita.
7. Dari Diabolos, eosque ex permissione Dei posse operari in corpora, contra eos asserimus qui id hodie negant.
8. Sed etsi demus talia asserentibus non dari Diabolos (quanquam id non sit verum) tamen eò ipso non effugient peccatores justas Dei pœnas peccato meritas, quas effugere volunt.

F I N I S.

I 2

שירת

שירת אהבה ושכחה ביום המשאלות בנפלא הועדי
אבץ פרתון אחי ורעי עד עולם נאהב ונחמד:

כעלמה וכבתולה:
ואם בן המצולעת:
ונגרשת ממזנפותיו:
בנאצו את המנורתו:
יד חסידים משתוככים
שהעידה שאהב הוא:
ישברוה כל פטשות:
עד האמת תחיהן :-
מתדמים להמלאכים:
ותענן לו עטרת :-
שאויב עליך לבוב :-
כי מראהן הדימותה:
ומלמדהם דברי קדושים
ונפשותם שאין מלמות:
ותקח עבודה קדושה:
ותמתוק בפך מצופה:
מתחקר בלשון הקדושה:
עוברת אביך ואמך :-
על-כן הרחקת אנגרים:
ותכתוב משאלות האלה:
שלך להשיב למשאלים:
ותהנה בה יום ולילה:
וקרוב ורחוק אהבך :-
החם את הערוהך :-
חבוא אל מקור חיך :-
וחגל בלא קץ בשמים:

ב עדות תמימה אמונה
ב אין מעמד בלא אמת
נחרפת היא בעיניו :-
פנועיי הוא לנפשו :-
ידי פתליונים משתמדים
הלא כשר יהוה הוא -
ולשון הרסיתות :-
עד הרגהן את חייהן -
דור שבאטרום הישרים
יחברו במחנה אמת
אתה המתחזק לכתוב -
באלהות האמת חלקך -
צופה אתה בקהל ענוים
מתפתה אותם לחיות
רצת אחרי יהוה -
תפשתה וחטעום אותה
נעורך כשמואל אתה
בעבודה את מולדתך -
על-כן פקדת פריסים
על-כן העידות באלה
ותעמוד בתוך רבים
אשריך שתחפוץ בתורה
כי הן טובים תעטרנך --
ואחרי היטיבך -- --
בתחלת בית עולמך -
ותעמוד בתוך העדים

*Amico integerrimo, calamo, & animo sincero, huncce honorem
gratanter offert, & offert:*

PETRUS SZILAGYI, Transylv. Ung.
S. S. Th. ut & Ph. ac Ling. Stud.

IN HONOREM

*Ornatissimi Domini Auctoris & Defendentis,**Amici singularis.*

In tabulis signata sacris Veterisque Novique
 Fœderis, Excelsi quod sint Orâcla benigna
 Numinis, Explanas; os obturare paratus
 Ἀντιδῶν, Stolidus si non velit ipse fateri:
 Humanâ specie, sibi nîl nisi mente carentem
 Esse datam molem. Sic fundamenta peritum
 Structorem decuit non concutienda locare
 Ædis Cœlestis: Super his nam ritè struendo
 Quis metuat Satanæ fraudes? Quis sceptrâ Ty-
 ranni?
 Quis portas Erebi? Nunquam hæc structura mo-
 vetur.
 Te spes, HUNNIADI, quoniam hac in rupe lo-
 cata est;
 Nunquam frustrabit. Laudes te ac certa manebunt
 Præmia, ritè Dei dùm perges condere Templum.

LAUR: LE BRUN,

*SS. Th. St.**Ad*

Ad Eundem.

Huc vultum, huc animum convertas, Impie quæso!
 Qui spernis, rides, dogmata Sacra Dei.
HUNNIADES agili cum dexteritate refellit,
 Pestiferæ sectæ ludicrâ dicta tuæ.
 Semina si rationis habes, des vela retrorsum,
 Nec posthac nugas projice, Stulte, tuas.
 Magni verba Dei reverenter habenda memento,
 Ut Te non maneant fulmina iusta Dei.
 Tu tamen *Hunniades Patriæ non infima gentis*
Gloria, Parnassi delictum atque decus
 Maie bonis cæptis volitabit fama per orbem
 Pannoniæque Tuæ commoda multa feres.

Hec Amico optimo in sui memoriam apponere voluit, debuit,

JOH. VON DEN BUSCH,
Bremâ Saxo L.L. Stud.

Ad Eundem.

Nec lux esse potest homini, nec regula vitæ,
 Nî fuerint Sacra Biblia Scripta manu.
 Nam leges ferre, aut, nisi Numen, Numinis iram
 Placandi methodum tradere, quis poterit?
Est Deus, a cujus dependent omnia nutu,
 Qui lapsos homines erigit atque beat.
 Nunc fidei nostræ fundamina firma videmus,
Hunniades verbum dùm probat esse Dei.
HUNNIADI sic perge Dei defendere causam
 Præmia tu referes digna labore tuò.
 Exemplôque tuò, quantum labor improbus ausit
 Virtuti junctus, perge docere tuos.

Sic Amico accinxit

GER: VON DEN BUSCH, *Bremâ Saxo.*
S. S. Theol. Stud.

